

XI
VAR.

5.4.395

5U.4.



SELECTA DOCUMENTA
EX ELEMENTIS
GEOGRAPHIAE GENERALIS
ET
ASTRONOMIAE
ATQUE
EX ADNEXA DISSERTATIONE

QUAE
IN ACADEMICA EXERCITATIONE
DEMONSTRABUNT
LAURENTIUS PAVESIUS
APUANUS
PETRUS MUSCATUS
MEDIOLANENSIS

~~LEO GERVAIS~~

~~GOFFARINGUS~~
COMES MICHAEL JOANNIS SCERIMAN

P E R S A


IN PRATENSI S. J. COLLEGIO CONVICTORES.

A. MDCC. LV.



FLORENTIAE, MDCCCLV.

In Typographia Francisci Moucke. Cum facultate.



*SELECTA DOCUMENTA EX ELEMENTIS
GEOGRAPHIAE GENERALIS.*

- I. **Q**uomodo Tellus in Zonas dividatur explicare ;
tempestatumque durationem in diversis Zonis ,
atque istarum locis decernere .
- II. Quomodo dividatur in Climata , & quem habeat usum
contructa a Geographis , Climatum , & parallelorum
Tabula .
- III. Graduum inaequalitatem in terrestribus meridianis ,
ex habitis ab Astronomis observationibus demonstrare .
- IV. Qua ratione , terrestrium parallelorum Gradus , ab
Aequatore Polos versùs , decrescant , & Tabulam ejus-
modi decrementorum exponere .
- V. Terrestrium locorum longitudes vario modo ex cae-
lestibus observationibus definire .

EX ELEMENTIS ASTRONOMIAE.

- I. **Q**uid sit Siderum Parallaxis ostendere , & quomodo
hac Astronomi utantur , ad eorum distantiam a
Telluris centro statuendam .
- II. Mundi systema Ptolemaicum , ejusque vitia declarare .
- III. Tychonicum exponere systema ; quid ejus fautores ad
plura respondeant objecta ; & quomodo Copernicanum
impugnent .
- IV. Cur nobis adpareant Planetae , modò directi , modò
stationarii , modò retrogradi in hypothesi de motu Tel-
luris .
- V. Quomodo in praedicta hypothesi , noctium , & dierum
varietas , atque hinc ortae variae anni tempestates con-
tingant .
- VI. Quomodo , & cur in eadem hypothesi , axis Telluris
motu lentissimo a parallelismo aberret ; & phaenome-
na ob hanc aberrationem indicare .

EX

EX ADJUNCTA DISSERTATIONE.

- I. **P**Osito tamquam certo, particulis luminis heterogenei eandem inesse materiae densitatem, sed variam voluminum magnitudinem, demonstrare quomodo varia esse debeat eorum refractione radiorum, qui primigenii dicuntur.
- II. Postquam praedicta statuta sententia fuerit, demonstrare quomodo in Prismatum rotatione (de qua §. III.) in radiis primigeniis, gradibus habilitatis ad refractionem, gradus respondere debeant habilitatis ad repercussionem.
- III. Radiorum, qui ab eodem, aut Solis, aut Lunae puncto vibrati, ad totam perveniant pluviarum guttularum congeriem, quae ad Irides conformandas requiritur, multipliciter demonstrare physicum parallelismum; quum variae circa Irides demonstrationes huic innitantur.
- IV. Quamvis concedamus, non eadem omnino velocitate a luminosis corporibus particulas luminis, variâ praeditas massâ discedere, dum eadem vi a motrici causa impelluntur particulae singulae (ob variam scilicet istarum vim inertiae, seu resistantiam, quum variam habeant massam) adfirmamus tamen quaedam dilui contra nos obijcienda posse, summae illius rapiditatis, quam luminis corpuscula obtinent, beneficio; & quemadmodum ab illis fit, qui a varia dumtaxat velocitate variam repetunt radiorum *refrangibilitatem*: ad istorum enim opinionem impugnandam, non eo, quo plures alii, utimur argumento, a diversa, & sensili petito velocitate, qua in oculis incurrere ordinatim deberent primigeniae particulae, ex quibus radii constant heterogenei; quum sit infirmum, & quum facile diluatur, sicut §. II. Art. VIII. adjunctae Dissertationis ostenditur.
- V. Solaris luminis densitatem comparatè ad Lunarem, ex methodo, tum Domini *Bonguer*, tum Domini *Smith*, declarare.

Schema illud currea in Tabula, Parti primae Dissert. De Coloribus annexa, jam insculptum, & quod beic §. III. saepe indicabitur; ad busjuse etiam opusculi calcem, grandiori forma delineatum videri poterit.

COMPLEMENTUM APPENDICIS
AD DISSERTATIONEM
DE COLORIBUS
ET IRIDE.

§. I.

Quaedam narrantur experimenta, ad Lunarem Iridem pertinentia.

I. **U**Tinam eâdem facilitate, qua illa habentur, de quibus nunc est agendum, experimenta, ad ea confirmanda, quae de Lunaris Iridis adparitione dicta fuerunt, cetera omnia haberi possent, quibus, ad alias in physica scientia sententias demonstrandas, idemtidem indigemus! Magnum sane temporis, laboris, & sumptuum fieret compendium.

II. Si quis igitur per noctem, & splendente Luna (praesertim in plenilunio, aut circa ipsum, & si observator, distinctius ut rem cognoscat, intra tenebrosum maneant cubiculum; ibique ita obcludat fenestras postes, ut a Lunari disco emissii radii ingrediantur per aperturam, atque in cubiculi partem obversam Lunae, nigro obtectam velamento incurrant) postquam suum os communi aqua impleverit, contra ipsam Lunam terga obvertendo, in oppositum huic Planetae punctum ita profundat haustum liquorem, ut in sphaericas guttulas hic conformatur; arcuatam zonam contra se illico adparentem exiguae diametri spectabit, totamque albore (1) insignem; cujus latitudo, si adcurate instituitur experimentum, ad

A

ali-

(1) Dum consimile instituitur contra splendentem Solem experimentum, nonnulli e primigeniis coloribus in arcuata adparent zona; quum enim Solares radii sint admodum Lunaribus densiores & uberiores, tantum continent elementarium nu-

merum radiorum, ut multi ejusdem speciei paralleli evadere valeant, atque idcirco efficaces. Vide quae de elementarium radiorum efficacia, propter adquisitum parallelismum, declarata jam fuere, Parte II. Dissertationis De Coloribus, Capite II.

aliquot pollices pertinet. Praeterea, sicuti, dum in spatiis caelestibus Irides adparent Solares, quod guttularum plana pluviarum, de quibus refracti profiliunt luminis radii, propiora sunt spectatori, eò minoris diametri Arcus versicolor, & circularis illi sese objicit considerandum, quòd minorem habeat diametrum basis coni (1), quam imbres excipiunt; & quòd praedicta plana a spectatore sunt remotiora, eò majoris diametri Arcus fulget, quòd coni basis in guttularum plano jacens, majori diametro praedita sit (2); ita similiter, quòd longius haustam ore aquam ejaculaberis, majori vi ipsam profundendo, & per cubiculum ad id opportunum dispergendo, eò amplior, quia tunc basis proxime commemorati coni esse amplior debebit circulus, hujusmodi Arcus tibi adparebit Lunaris (3).

III. Fa-

(1) De hujusmodi coeo, quem radii constituunt sub aequalibus angulis, post refractiones, de guttulis emergendo, atque in spectatoris pupillam simul cooccurrente, fuisse actum fuit, Dissertationis nostrae Part. II. Cap. V. Art. V. & seqq.

(2) Hoc idem, & ob eandem rationem adfirmavit *Musschenbroekius*, *Physici Speciminis* Tomo II. §. 1604. & in illius operis compendio io usus academicos, Tomo II. §. 1272. recentiorum editionum.

(3) Habitu a me primò fuit accuratius, quam antea, facillimum hoc experimentum die oono Julii, hujus-ae Aoni 1733. horà decimà post meridiem, elapsisque post primam Lunae quadraturam duobus circiter diebus. Looae altitudo ab horizonte erat ferme Gr. 30. 37. minut. prim. & 25. secund. ejusque lumen intra obscurum cubiculum fuit exceptum. Quoties autem haustam ore aquam in oppositam Lunari globi partem, ita diffundebam, ut in globulos toroaretur, Iridem toties contra me vidi albelcentem exiguae diametri, & cujus latitudo, arcuatae videlicet zonae, a qua consti-

tuebatur, duorum circiter pollicum, & aliquando etiam plusculum, mihi adparuit. Repertum a me fuit experimentum die decimo Julii, eodemque hoc Anno, horà nonà cum dimidio post meridiem; tunc verbò circularis Arcus sese mihi obtulit candore insignior, & multò magis die sequenti, post meridiem horà decimà cum tribus quadrantibus. Denique mensis ejusdem die quintodecimo, atque horà post meridiem decimà cum dimidio, paulò post Plenilunium, quod cootigit diei astronomici horà vicesimà secunda, minutisque primis quatuordecim vix elapsis, comparate ad Pratensem meridiaum; quum uberior Luna fulgorem, sereno Caelo, tunc emitteret; pulchrior exiit arcuata, & argentea taenia, dum aqua io adversam Lunari disco plagam profunderetur, latitudinem habens triom circiter, & aliquando ampliùs, pollicum. Porò Lunae ab horizonte altitudinem in hisce sequentibus tentaminibus, quod io priori non praetermisiss, accurate non observavi, & propterea non adnotavi; festinòter coim acta fuerit.

III. Facillima quidem sunt quae commemoravi tentamina; ex istis tamen, si quis recte ratiocinetur, veluti legitimum Corollarium consequitur, quibusdam in circumstantiis, fulgente Luna, aut haec plena adpareat, aut nondum plena, ita ejus radios a decedentibus imbris refringi, & reperi in spectantium oculos posse, ut Iridem, si non multicolorem, candidam saltem contemplantur.

Circulares Arcus, dum ea peraguntur experimenta, in conspectum se dant; radii igitur de aqueis guttulis reverberantur, angulosque aequales cum optico axe, per centrum Lunae, Pupillae, atque Iridis transeunte, constituunt; quemadmodum ex iis facile eruitur, quae jam Parte secunda praecedentis Dissertationis, Capite V., Art. V. fuere demonstrata. Sed hoc accidere neutiquam posset, nisi a radiis, aequales angulos in emersione cum optico axe constituentibus, aequales in praedictis guttulis, tum in egressu, tum etiam in ingressu, substinerentur refractiones, sicuti pariter ex iis consequitur, quae ibidem Articulo IV., & sequentibus demonstravi; nam, ut cetera haec praetermittam, constituti anguli a parallelis radiis, in aqueos globulos incidentibus, atque a respondentibus refractis, emerfis, & incurrentibus in organum visus, aequari angulis debent, quos isti incurrentes radii, axisque opticus, commemoratis incidentibus, & parallelis parallelus, comprehendunt, quum sint alterni (1); aequalem ergo radii plures de Luna advenientes, dum in aqueas illas pilulas incidunt, deque ipsis egrediuntur, subeunt refractionem. Quamobrem, si denso agmine Lunares radii heterogenei, quemadmodum Solares, advenirent, innumerofque propterea sibi admistos primigenios complecterentur; tunc primigeniis quoque coloribus arcua-

A 2 tas

(1) Per primam partem Propositionis 27. Libri primi Element. apud *Tatquetum*, Sed ut clarius citones percipiant quomodo ad id demon-

strandum, hoc Euclidean Theorema usum habeat, videant quae fuere declarata, Parte secunda praecedentis Dissertationis, Capite V. Art. III.

tas illas taenias intra obscura conclavia videremus distinctas; perinde ut accidit, dum consimilia, splendente Sole, experimenta capiuntur; & quae etiam a nonnullis aetatis priscae Sapientibus, veluti ab *Aristotele* (1), *Lucio Annaeo Seneca* (2), *Plutarcho* (3) commemorantur: quamvis plura de causis, propter quas in ea aquae artificiosa dispersione varii adparerent colores, eisdem essent ignota.

Igitur si fulgens construitur Arcus, dum plures Lunares radii in levem incurrunt aquae adspersionem, ut ex vulgaribus, & facillimis liquere cuilibet poterit tentaminibus; multò magis construi ipse debebit, si, in sereno aliquo Caeli spatio admodum splendente Luna, plagam versùs huic oppositam, & per longum inter spectatorem, eamque plagam interpositum tractum permultae, & sphaericae (4) imbrum guttulae decidant. Porro, si haec omnia simul contingant, nullumque adsit impedimentum, permulta ante spectatoris oculos, praefulgenti illi Planetæ terga obvertentis, non deerunt guttularum plana. Quapropter, sicut & ob radiorum *parallelismum*, de quo actum jam fuisse fuit praecedentis Dissertationis Parte II., & seqq., atque etiam ob multitudinem planorum, quae a pluviis construi globulis recte concipimus, quemadmodum ibidem Capite IV., Art. X. expositum fuit, tot simul primigenii singularum specierum radii conjungi possunt (5), vel sine magna cum heterogeneis admixtione, vel

(1) Meteorologicor. Lib. III. Cap. IV.

(2) Naturalium Quaestionum Lib. I. Cap. III.

(3) De Placitis Philosophorum Lib. III. Art. V. ubi de Arcu agit caelesti.

(4) Sphaerica, aut saltem sphaeroidica figura, quam aut ventorum impetus, aut aliae causae aliquando corrumpunt, requiritur, ut permulti incidentes radii, quantum satis est, refringantur. Ille dumtaxat, qui ad aquae sphaerae superficiem normalis intrinquit, nullam

subit refractionem; quod aliis ad perpendicularum non incidentibus, nequaquam accidit, sicuti ostensum fuit, praecedentis Dissert. Parte II. Cap. I. Art. III. Ceterum, aut ob ventorum vim, aut ob molem grandisculam, a pluviis guttis figuram amitti sphaericam posse, jam indicavi ibidem Capite V. sub initium Articuli III.

(5) De hujusmodi conjunctione in Irade Solari primaria actum fuisse est Parte II. Dissert. Cap. II. Art. X.

3

vel cum valde notabili ; ut , dum Iris generatur Solaris , aut e primigeniis aliqui (1) percipiantur colores , aut solus albor , quod sibi accidisse narrant *Senguerdus* , & *Halleys* (2) , dum Solarem Arcum contemplarentur ; ita pariter , easdem ob causas , si omnia adfint adjuncta , proxime , & alibi exposita (3) , tot simul conjungi debebunt , secundum naturae leges , radii Lunares ; ut , vel solum albarem , vel aliquos e primitivis coloribus vigilans observator percipiat : tamenli prolixo animo demus , ejusmodi colores in Lunari Iride esse torpidos atque intermortuos , si cum iis comparentur , quos vividiores aliquando Solares Irides exhibent ; magnum enim discrimen est inter copiam luminis , quod a Sole , tamquam ab amplissimo uberrimoque dimanat fonte , & illud quod a Sole acceptum , ad nos Luna reverberat . Hoc tamen non obstat , quominus Lunare lumen ad Irides , aut per humanam artem , aut sine ista , subpetat generandas ; sicuti & a proxime expositis experimentis , & ab accuratis doctissimorum Philosophorum observationibus , quas Capite I. , & II. hujus Appendicis recensui , evidentissimum est : immo ex immensa luminis ubertate , quo Sol perpetuo locupletatur , inferendum est potius , tantam non esse illius exiguitatem , quo inlustratur , & quem in Tellurem repercutit Luna ; ut satis superque non sit ad per jucunda hujusce admirandi phaenomeni spectacula nobis praebenda .

De

- (1) Ob varios obices , neque omnes primitivi , neque pauci sine ulla admixtione adpatere in Iride solent , si-
 (2) Apud *Muschenbrochium* T. II. Speciminis Physici , §. 1612.
 (3) Scilicet Capite II. hujus Appendicis , Art. IV.
 scuti loco proxime citato declaravi ,
 Capite V. sub finem Articuli XIV.

De utilitate quam attulit reperta in radiis luminis varia ipsorum flexibilitas, sive, ut vulgò Physici dicunt, refrangibilitas; deque causa, cui probabiliter & prudenter varia haec habitudo debeat adscribi.

I. **D**Emonstratum jam fuit Parte I. praecedentis Dissertationis, Capite II. Art. VIII. & seqq., cuilibet e septem elementarium radorum speciebus propriam inesse habitudinem ad peculiarem refractionem patiendam; eaque ratione, ut, dum ab uno in aliud medium diversae attractionis oblique transeunt (1), *Violacei* radii prae ceteris maxime, alii verò sequentes, videlicet *Indici*, *Caerulei*, *Virides*, *Flavi*, *Aurei* eò minus refringantur, quò magis, secundum ordinem heic expositum, a *Violaceis* recedunt, & adcedunt ad *Rubeos*, qui minimam, comparate ad alios, refractionem subeunt: atque hoc Neutroniani, plurimique alii nostrae aetatis Philosophi, qui post innumera adcurate habita experimenta ita reapse contingere, evidenter cognovere, paucis ut verbis designent, adfirmare solent, diversam primigeniis luminis radiis *refrangibilitatem* inesse.

II. Por-

(1) Hanc adhiæo formulam, non autem aliam, in qua tantummodò major, & minor exprimitur medium densitas; nam aliquando lumen refractiones patitur, ab uno medio oblique in aliud incidens, quamvis haec eandem omnino habeant densitatem. Aluminis pondus idem est, ac Vitrioli Gedanenſis sub eisdem voluminibus; & tamen oblique incidens lumen ab Alumine in Vitriolum Gedanenſe (nimirum Dantisco, vulgò *Dantica* adveſtum) intra hoc ad normalem adcedit. Aliquando etiam, tamen media differant densitate, & lumen obli-

que incurrat, hoc non refringitur, &c. Perlege primùm confirmationem Propositionis X. in Optica *Newtoni*, Lib. II. Parte III., ubi ex experimentis infert, a majori, vel minori sulphurearum, & oleosarum numero partium, majorem, vel minorem dependere refringentem potentiam, quæ in corporibus concretis, nobis adparet. Perlege deinde *Gravesandii* Institutiones Philosophiæ, §. 1103. & seqq. recentiorum editionum; plura enim ibi clare narrantur tentamina, ad ea, quæ adferui, valide confirmanda.

II. Porro hujusce in luminis partibus variae habilitatis in medium prolata demonstratio, quod *Newtono*, tamquam primo inventori (1), sine ulla controversia, tribuendum est, mirum quantum profuit ad multorum causas naturalium phaenomenorum adferendas, quae Physicos anteriores latuere! Atque in primis, alia ut heic praeteream, legitima exponi causa evidenter ac facile potest, cur certus coloratarum, & circularium zonarum ordo in Iride, aut haec Solaris fuerit, aut Lunar (2), & aut primaria, aut secundaria, constanter adpareat. Hinc Parte II. Dissertationis praemissae, diversarum radiorum flexibilitate sum usus, ut praedicti & admirabilis in Iride ordinis causam patefacere; sed praesertim Capite I. Art. IV.; toto Cap. V., & etiam Cap. VI. Art. I.

III. Praedicta itaque proprietas in particulis, heterogeneum lumen constituentibus detecta jam fuit; cui, tamquam causae, & quidem proximae, certus & constans ille colorum ordo prudenter sit adscribendus, qui nobis adparent, tum in Iridibus, quotiescumque variis praesulgeant distinctae coloratis taeniis (aut istarum tres tantummodo conspicuae sint, aut quatuor, aut quin-

(1) Anno 1666. diversam hanc radiorum flexibilitatem ab *Isaaco Newtono* fuisse detectam, ex iis liquet, quae leguntur sub initium eruditae praefationis, ab Anonymo Austere praefixae illius Philosophi Lectionibus Opticis, & posthumis, Londini primum editis A. 1729. Hujusmodi inventorum specimen A. 1671. coram regia Societate Londinensi exhibitum deinde fuisse, eodemque anno in ejusdem Societatis Actis, seu Transactionibus, in lucem editum, idem ibidem testatur doctus Anonymus. De hisce inventis, multas addendo circa lucem, & colores mathematicas demonstrationes,

in praedictis differuit *Newtonus* Lectionibus, publice habitis in Cantabrigiae Academia, annis 1669., duobusque proxime sequentibus. Demum A. 1704., post innumera, triginta circiter annorum spatium, habita experimenta, clarius & luculentius in sua Optica, tunc primum typis mandata, omnia exposuit, confirmavitque.

(2) Lunarem Iridem, non semper totam adparere albam, sed interdum cum zonis eodem colorum ordine, quo Solaris, quamvis aliquantò languidioribus, patet ex Capite II. hujus Appendicis, Articulis II. IV. & VI.

quinque (1), ut aliquando contingit) tum in aliis phaenomenis , vel haec naturaliter sine ulla arte accident , vel ad eorum effectiorem humana confluat industria ; quemadmodum ea sunt celeberrima spectra , septem circulares imagines , diverso singulas primitivo colore pictas , ob adhibitorum Prismatum triangularium vim refringentem , nobis exhibentia (2) .

Sed naturalium rerum studiosi , quum quod magis eorum mens novis locupletata fuerit causae alicujus notionibus , ulterius progredi aveat , aliisque locupletari proprietatum quarundam recens detectarum , quae pro effectorum causis usurpari solent (3) , originem , atque , ut ita dicam , causarum causas anxie perquirendo ; opportune nunc postulabunt , a quonam fonte flexibilitas illa sit repetenda .

IV. Repono ad haec , ab ipso *Newtono* , impigro luminis anatomo , in Appendice ad Librum suae Opticae tertium , ubi plures expromendo Quaestiones , suam exponit , sed plerumque in speciem dubitantis , sententiam , sequentibus verbis , a *Samuele Clarkio* (4) , ex Anglico in Latinum conversis idioma , & sine ulla dubitatione , variae ejusmodi flexibilitatis causam indicari : *Porrò ad colorum varietatem omnem , diversosque Refrangibilitatis gradus producendos [inquit circa medium Quaestionis XXIX.] nihil aliud opus est , quàm ut radii luminis sint corpuscula diversis magnitudinibus : quorum quidam ea , quae sunt minima , colorem constituent Violaceum . utrique senebricosissimum & languidissimum colorum ; eademque omnium facillime , superficietum refringentium actione , de via recta detorqueantur ; reliqua autem , ut eorum quod-*

(1) Vide dicta , Dissert. De Coloribus , Parte II. Cap. V. sub finem Articuli 14.

(2) De his fufe actum fuit Parte I. Dissert. commemoratae .

(3) Intelligenda haec sunt , secundum

jam expositam de physicis causis declarationem , hujus Appendicis Capite III. §. 6.

(4) Genevensis , & nitidissimae editionis , A. 1749.

quodque in magnitudinem excedit, ita colores exhibeant fortiores & clariores, utique Caeruleum, Viridem, Flavum, & Rubrum (1): itemque eadem proportione difficilior usque & difficilior de via detorqueantur. Ad haec, quod radii luminis alternas habent facilioris reflexionis, & facilioris transmissus vices (2), nihil aliud opus est, quam ut si exigua sint corpuscula, quae, vel attractione sua, vel alia aliqua vi, vibrationes quasdam in medio (3), in quod agunt, excitent: quae quidem vibrationes, radiis celeriores existentes, praeverrant eos successive, & ita agitent, ut velocitatem ipsorum augeant, imminuantque alternis, adeoque vices illas in ipsis generent.

V. Verum, ut clare tironibus patefiat, quid Lonicis illis formulis, & ad suas cohaerenter opiniones, alibi ab eodem expositas, indicare Newtonus voluerit, haec addi possunt. In primis, quum admodum probabile sit, eadem ratione, qua luminis particulae inter se differunt voluminibus, differre etiam elementaris materiei quantitativis, aded ut haec aequalem obtineat in omnibus densitatem, sed quantitatem inaequalem; idem profecto erit, variam radiorum, qui ex ejusmodi consistunt corpusculis, flexibilitatem tribuere vario eorumdem volumini, seu magnitudini, ac variae massae. Praeterea naturalia omnia corpora, atque idcirco illa etiam tenuissima, ex quibus lumen componitur, secundum Newtoni

B

pla-

(1) Quum Indicus color Caeruleus sit admodum assinis, & Aureus Flavo; quinque tantum haec, ut aliquando alibi facit, colores commemorat; sed quod de istis, quantum ad variae causam flexibilitatis adfirmat, de aliis duobus, ad septenarium complendum numerum, lubaudendum est.

(2) Quid vicium istarum nomine significare Auctor voluerit, ab ejus accipe Definitione, quam in sua Optica, Lib. II. Parte III., demonstrationi Propositionis XII. adnectit.

Accessus, seu reversiones dispositionis istius (inquit ex Clarkii interpretatione) qua fit, ut quilibet radius facilius reflectatur, appello, ejus Vices facilioris reflexionis; reversiones autem dispositionis istius, qua fit, ut idem facilius transmittatur, appello, ejus Vices facilioris transmissus: & spatium quod inter singulas ejusdem vices reversiones intercedit, appello, Intervallum vicium.

(3) Nimirum in tenuissimo quodam fluido: de quo aliqua dixi Capite III. hujus Appendicis, Art. 22.

placita, inertiae vi esse praedita, & hanc vim esse proportionalem materiei, seu massae corporum quantitati, ita ut quae majorem habent massam, majorem quoque valeant exercere resistantiam, notius est, quàm ut aliquà nunc indigeat confirmatione (1). Quam ob rem, quum ideo ab hoc Auctore adfirmatum fuerit, quibilibet corporibus praedictam inesse vim, quòd talem habeant naturam, ut in eo statu, aut quietis, aut motus, quem obtinuerint, contentur perseverare, statusque mutationi obli-
 scantur; & quum insuper ex phaenomenis liqueat, vim adesse in rerum natura, per quam, dum radii luminis proximi fuerint quorundam corporum superficiebus, ita impellantur, ut spectatori adpareat, ab hisce corporibus quodammodo attrahi (2); & quum denique haec vis, quae *at-
 trahens* a *Newsono*, ejusque affectis vocitatur, secundum rectas agat, iis normales corporibus, in quae lumen incurrit, vel de quibus emergit; radiorum elementaria corpuscula, minimam comparate ad alia sibi socia, mas-
 sam habentia, quoties oblique incurrant, vel emergant, ab uno in aliud diversarum attractionum medium trans-
 eundo, maxime prae aliis omnibus, ob minimam suam inertiae vim, a recta linea, quam describere solent, de-
 torquebuntur, quia minùs prae aliis resistent; illa verò quae massam habeant maximam, paribusque in circum-
 stantiis inrumpant, vel erumpant, minùs quàm cetera
 idem

(1) Vide sis Definitionem tertiam, ejusque declarationem, Libro primo Principiorum ab hoc praemis-
 sam Philosopho.

(2) De hisce experimentis vide apud *Grimaldum* S. J. in ejus Physico-Mathesi de Lumine, Propositione I.; apud *Newtonum*, Opticae Libro III., a quo accuratius, & uberius per-
 acta fuere, meliora ex phaenome-
 nis inferendo Corollaria; apud *Grav-
 sandum* in *Physices Elementis* re-
 centiorum edit. T. II. §. 2722.; sed

eum hoc Auctore interim notan-
 dum, si augeatur distantia inter
 quaedam adhibita corpora, ut e. g.
 inter acies cultrorum, & radios
 transeuntes, & attractos, quae di-
 stantia est exigua, puta una Pollicis
 quadragesima pars, attrahentem
 vim verti in repellentem; auctà
 enim illà distantia, a praedictis cor-
 poribus incipiunt radii recedere; sed
 auctà magis, hic recessus minuitur,
 donec in majori quadam distantia
 nullus amplius adpareat repulsus.

idem patientur, quia resistent magis; & illa demum corpuscula, quorum massae inter maximas, & minimas mediae sunt, pro pluribus, vel paucioribus massarum gradibus, magis, vel minus a recta, per quam excurrunt, directione deflectent; hisce enim gradibus esse debent nexibus proportionales. Atqui corpuscula, radios constituentia, hac ratione a recta, quam describebant, aberrare, proindeque a normali illa, quam supra refringentium corporum superficies intellectu designamus, pro diversis circumstantiis, modò recedere, modò ad ipsam accedere, idem est ac radios refringi, seu refractionibus esse obnoxios; istorum ergo varia flexibilitas, sive *refrangibilitas*, a variâ corpusculorum, ex quibus constant, massâ, repeti optime potest.

VI. Nihilominus aliqui hac nostra aetate florentes Viri, Mathematicâ, & Philosophiâ praestantissimi, editisque operibus celebres (1), putant, variam radiorum flexibilitatem tribui recte posse variae velocitati, qua luminis corpuscula polleant: tamen si istorum variae dumtaxat magnitudini posse etiam probabiliter, & prudenter adscribi concedant (2). Et nimirum si illis in particulis, exempli causâ, mentem nostram ad ideam, seu sensum *Rubei* coloris efficiendum excitantibus, majorem, semperque constantem fingamus velocitatem, quàm in ceteris omnibus, ad alias excitandas colorum ideas opportunis; & si omnium radiorum singulis particulis, in quibus aequalem consideremus densitatem, aequales pariter tribuamus magnitudines; tunc *Rubei* radii minùs prae aliis flexibiles censendi erunt; siquidem, ob majorem impetum, (quorum

B 2 (1) alius

(1) Dominus *Sjorgue*, Professor Philosophiae in Parisiensi Lyceo, Institutionum Newtonianarum, Articulus 399. Anonymus, Regiae Academiae Parisiensis Socius, in opere inscripto *Traité d'Optique*, & Parisiis edito, A. 1751. Parte I. Cap. II, Art. XIV.

(2) Anonymus proxime citatus, quamvis propendere potius ad variam corpusculorum velocitatem videatur; testatur tamen, se nihil velle discernere, neque variam excludit magnitudinem; *Sjorgue* probabilis pro utraque sententia adfert argumenta.

aliis malsâ, in hac hypothesi, esse debeant aequalia, sed majorem habere perpetuâ velocitatem) eidem attractrici vi corpuscula, ex quibus constant, reluctabuntur magis; & minùs propterea, comparate ad aliorum corpuscula radiorum tardiora, paribus in circumstantiis refringentur. Ita pariter, si aliquis Planeta in hypothesi Newtoniana, majorem habuisset a vi projiciente velocitatem; vis centripetae, aut gravitatis impressionibus, quales nunc recipit, ob eandem rationem resisteret magis, atque Ellipsim non adeo oblongam, seu ad circuli peripheriam propius accedentem, describeret.

VII. Ceterùm recentiores Physici, qui aut omnibus, aut plerisque philosophicis *Newtoni* placitis adstipulantur, massarum potius, quàm velocitatum differentiis, flexibilitatem radiorum tribuunt (1). Concedunt sane, per varias idem posse velocitates commode & recte explicari, si variâ velocitate septem elementarium corpusculorum diversarum specierum examina a luminosis corporibus constanter emitterentur, & si in singulis hujusmodi classibus corpuscula omnia, aut pleraque saltem, eandem, quam primò in ea emissionem adquisivere, velocitatem perpetuâ fervarent; verumtamen quaedam sibi persuadent habere argumenta, quibus probetur, eandem omnibus, aut fere omnibus singularum classium corpusculis velocitatem a vi motrici, dum emittuntur, sine ulla peculiari distinctione communicari.

Dicere, ut plura omittam alia, solent, futurum, si variâ illâ velocitate vibrarentur, ut, dum Satellitum Jovialium eclipses observantur, primo momento emersionis ex umbra, observatus Satelles adparere *Rubeus* deberet, *Aureus* deinde, atque ita subcessive aliis tinctus coloribus primigeniis, aut saltem emersionis initio aliquid

Ru-

(1) Vide sis apud Anonymum, & jam Socium, Dissertationis de Optica, supra commemoratum Auctorem, Part. I. Cap. II. Art. 14.

Regiae Academiæ Parisiensis scient.

Rubei coloris praeferre, & in extremo aliquid *Violacei*: quod observationibus aperte repugnat, quum *Albor* tantummodo in oculos contemplantium incurrat.

VIII. Ad hoc tamen obiectum respondent qui variae dumtaxat corpusculorum velocitati variam radiorum flexibilitatem recte adscribi posse existimant (1), tantam esse luminis rapiditatem, & adeo exiguas differentias, comparate ad humanum sensum, inter illorum velocitates corpusculorum; ut inter istas inaequalitas possit non esse sensibilis, quantum ad exigua temporis intervalla; licet sensibilis possit evadere aliquantulum, & quantum ad refractiones, quas in primigeniis radiis esse diversas, sed cum parvula differentia, *Newtonus* cognovit, & demonstravit (2), & quantum ad impressiones in organum visus efficiendas, quas aliquantulum inter se differre experimur; inter illas praesertim, quae a *Rubeis* fiant radiis, & a *Violaceis*, si aequae densi & vividi fuerint. Ita pariter (subjicere etiam eisdem licebit) qui variae solum patrocinantur magnitudini, aut massae, concedere debent, earum differentias percipi proxime per sensus non posse; quamvis coram Deo magnae sint, praesertim inter corpuscula *Violaceorum* radiorum, & *Rubeorum*; quum de particulis heic agatur infinite parvis; sed sensiles quodammodo evadere illas differentias in rebus effectis; videlicet ex variis refractionibus, & impressionibus, quas inter se aliquantulum differre, per sensus proxime deprehendimus, & varias inferri magnitudines commode posse.

IX. Simplicius tamen, & facilius, ut quod sentio, dicam, explicari posse existimo variae flexibilitatis

(1) Hoc fere modo respondet *Sigorgne* Articulo 400. in opere supra commemorato in praecedentibus ad hunc Paragraphum adnotationibus & aliquid simile reponit ibidem citatus Anonymus; quum isti Auto-

res censcant, aut ab una varia corpusculorum velocitate, aut ab una varia ipsorum magnitudine, variam recte reperi posse radiorum flexibilitatem.

(2) Opticae L. I. Part. II. Prop. III.

proximam causam, per variam tantummodo magnitudinem, particularum, quae in singulis septem classibus, moles habeant, & massas aequales, comparate ad alias ejusdem classis, sicuti supra sententia haec exposita fuit; quam per variam tantummodo velocitatem, sicuti a quibusdam recentioribus Physicis declaratur. Qui hanc secundam amplectuntur sententiam, nisi Epicurei, aut Gassendiani evadere velint, dicendo scilicet, ingenitas esse atomis luminis varias illas velocitates; & si admittant causas exstare secundas reapse effectrices; adfirmare, nisi fallor, coguntur, ita motricem causam a Deo creatam agere in corporibus luminosis, exempli gratia, in Sole, ut septem diversis corpusculorum seriebus variam impertiatur velocitatem, ut ita dicam, primigeniam, quam perpetuò conservent; siquidem demonstratum jam fuit (1), a singulis homogeneis radiis conservari semper suam habilitatem ad certum efficiendum colorem, quin ad alium cogi naturaliter valeant, proindeque illam habilitatem esse immutabilem. Ceterum augendas esse velocitates in hac hypothese concedimus, dum radii transeunt per quaedam peculiaria media, in quibus attrahens vis eisdem excitulet (2); & concedimus etiam, explicari fortè posse, quomodo cum hoc augmento conserventur valde diversae velocitatum differentiae; dicendo nimirum, inaequaliter eodem in medio inaequales illas, & primigenias velocitates augeri; id, quod negamus, est, declarari facile & commode posse, quomodo a motrici causa septem diversis particularum seriebus, dum e sinu luminosorum corporum jaciuntur, inaequalis communicetur velocitas, atque ita, ut singulae cujuscumque seriei aequalem adipiscantur; nimirum ut flexibilitas eodem modo paribus in circumstantiis sese habeat in quocumque radio, qui sit ho-

(1) Demonstratum a me hoc fuit, (2) Quia haec vis secundum rectas Parte I. Dissertationis De Coloribus, toto Capite IV. agit, ad superficiem reflectentem normales.

homogeneous, diversoque modo in alio quocumque heterogeneo. At qui priori adhaerent sententiae, adferendo, varias a supremi Conditoris voluntate magnitudines fuisse inditas particulis luminis, aequali tamen mensura singulis certarum classium, numero septem, atque huiusmodi primigenias moles, esse naturaliter immutabiles; expeditius & clarius, quantum mihi persuadeo, exponere valent, quomodo e luminosis corporibus, dum per causam emittuntur motricem, cum varia illa, & singulis quibusdam ordinibus peculiari, egrediantur particulae immutabili habilitate.

X. Adferere etiam aliquis probabiliter posset, ingeniosa quaedam proferendo argumenta (nulla enim adhuc, quodd sciam, allata fuit invicta de huiusmodi causa demonstrationis) variam radiorum flexibilitatem, tum ex varia particularum velocitate, tum, aut ex varia magnitudine, aut ex alio inter easdem discrimine, dependere; sed, quum *Facienda non sint per plura, quae aequali re-
sultant, aut per pauciora, aut per aliquid unum fieri-
queunt*, ut celebre fert Axioma, qui, sedulo pensatis omnibus, putent, satis esse ad varia illa effecta aequaliter bene (& multo magis, si melius) explicanda, variam dumtaxat magnitudinem, eoque modo quo exposita superius fuit, non est cur de aliarum investigatione causarum esse solliciti debeant.

XI. Superest nunc ut oppositionem contra illos excogitatem, heic adjungamus, qui a sola massarum differentia variam repetunt radiorum flexibilitatem. Hanc proposuit Cl. Anonymus (1) supra commemoratus in sua de optice rebus Dissertatione. Sed quoniam id quod objicit, statim ipse diluit (ibi enim non negat, soli inter mas-
sas

(1) Auctorem hujusce Theoriae, idiomate Gallico Parisiis editae A. 1752., atque inscriptae *Traité d'Optique*, fuisse Marchionem De Courtyon, qui inter socios Regiae Academiae Pa-

ris. Scient. numeratur, legimus in doctissima & perutili *Historia Italicae Litterariae*, Volumine V. circa medium secundae Appendicis, ad calcem operis.

fas discrimini varia illa adscribi effecta posse ; neque diversae tantum velocitati adscribendam esse statuit ; sed istarum differentiarum alterutri , quamvis in variam potius velocitatem inclinare videatur) ejus quoque breve , sed efficax , & magni faciendum adnectemus responsum .

La plupart des Savants [inquit Parte I. Cap. II. Art. XIV.] qui ont traité de la refraction dans l'hypothese de Mr. Newton , ont attribué la différence de réfrangibilité des rayons à la différence de masse de leurs particules , et ont rejettés la différence de vitesse ; mais , quoique je ne prétende pas établir ici , que c'est à cette dernière cause , qu'il faut avoir recours , je crois à propos de remarquer , que ceux qui veulent que la différence de masse soit la seule cause de la diversité des réfrangibilités , se déterminent presque tous par un raisonnement qui est contraire à la Dynamique , du moins de la manière , dont ils le présentent ; et qu'ils n'ont , peut-être , pas examiné , qu'on pouvoit répondre aux arguments , par les quels la diversité de vitesse ne leur paroît pas possible . Quant à leur raisonnement pour rapporter celle , ou celle réfrangibilité à la masse , il paroît d'abord fort simple . Les rayons rouges , par exemple , ayant plus de masse , l'attraction du milieu les détourne moins que les autres , de leur direction , et au contraire ; mais qu'on y réfléchisse bien , ce que l'on se rappelle ce fait si connu , qu'une grosse pierre en tombant vers la terre , ne décrit pas une autre parabole , qu'une petite balle , lorsqu'elle est lancée avec la même vitesse (1) ; et l'on verra qu'il en doit être de même d'un corpuscule de lumière par rapport au milieu attractif , qui est immense par rapport à lui : donc la différence de réfrangibilité ne sauroit être attribuée à la différence de masse . Tout ce qu'on peut dire seulement , pour

l'at-

(1) Subaudi, non considerata aëris resistētia ; a qua in hisce exemplis fieri præcisio solet a Philosophis ;

quamvis id non declarent , quum facile a peritis lectoribus labaudatur .

L'attribuer à la nature des globules rouges, plutôt qu'à la différence de vitesse, c'est que les globules d'une couleur sont essentiellement, et d'une nature différente de ceux d'une autre couleur; et que la cause de l'attraction du milieu réfringent, quelle qu'elle soit, n'agit pas de la même manière sur eux: appuyant un tel raisonnement sur les exemples, que l'on a dans la nature des corps, qui agissent différemment les uns sur les autres, & dont les actions sont sensibles pour les uns, sans l'être pour les autres.

XII. Praestabit nunc, in tironum gratiam, hujusmodi Laconicum, cautumque responsum amplificare aliquantulum; scilicet ut eisdem nota sint fundamenta, quae innotantur qui adfirmant, magnum esse discrimen inter modum, quo in terrestri globo attrahens illa vis, quae vis centripeta, aut circumterrestri, proprie denominatur, in corpora ab ipso distantia exercetur, & modum illum, quo attrahentes quaedam vires agere nobis adparet, aut in particularum, ex quibus varia concrevunt corpora, cohaesione, aut in radiorum luminis, dum quaedam adjuncta confluunt, refractionibus atque inflexionibus.

A vi centripeta, seu circumterrestri (quae nuncupari solet vis gravitatis, & etiam vis acceleratrix, quatenus consideratur comparate ad celeritatem, seu velocitatem, qua corpora, ob illam vim, corpus versùs centrale (1) tendunt) corpora omnia, aut magna, aut parva, quomodocumque figuram habeant; quacumque parte, aut majori, aut minori, superficiei, planum respiciant horizontale; & aut a vulgo denominentur levia, aut gravia; omnia, inquam, praecisione facta a mediis, sive aëris resistentia (sed aequalibus a Tellure distantis,

C

ex

(1) Eandem hic adhibeo formulam, quam Desaguliers in Adnotatione XI. ad Lectionem primam sui

Physici Curfus, dum varias ibi exponit relationes, secundum quas vis centripeta consideratur.

ex peculiari (1) *Newtoni*, aliorumque sententia) aequaliter accelerari, dum decidunt; recentiores Physici optima notae concordia adfirmant suffragio; quum hoc ex plurimis, veluti Corollarium, consequatur experimentis, quae tum in medio aëris (2), tum in vacuo Boyleano (3) fuere peracta; & quum ad id confirmandum isochronae oscillationes, quae a pendulis diversae speciei corporibus in medio aëris, sub oculis *Newtoni*, peractae fuerint (4), maxime conferant; pyxides enim ipse adhibuit duas, ligneas, rotundas, & aequales, quarum unam primò implevit ligno, idemque auri pondus in alterius centro suspendebat oscillationis, &c. Igitur centripeta vis non agit dumtaxat in eam superficiei corporum partem, quae subiectum respicit horizontem, neque in singulas dumtaxat.

(1) Ex phaenomenis enim intulit hic Philosophus, vim gravitatis non esse constantem; sed ratione eadem decrefcere, qua crescunt quadrata distantiarum a centro.

(2) Ex observationibus descensus a praecaltis aedificiis, corporum diversae speciei, & aut ejusdem voluminis, sed ponderis diverfi, ut expertus fuit *Ricciolus*, *Almagesti* novi Lib. 2. Cap. 21. ; aut diverfi voluminis, & ponderis, ut *Newtonus*, *Principiorum* Phil. Lib. 2. Sect. 7. Prop. 40., ad aëris resistentiam cognoscendam; ut *Galilejus*; *Dialogo*. primo De duplici nova Scientia, Tomo primo operum Florentinae editionis A. 1718. pag. 518.; ex hisce, inquam, aliisque similibus observationibus inferitur primò, falsum esse descendere corpora per medium idem velocitatibus, quae sint eorundem massis proportionales; ita ut, si plumbeus globus e.g. sit centies alio ponderosior, cum velocitate descendere debeat centies majori, quam sententiam, hypotheticum fuisse ab *Aristotele* traditam (nimirum *Physicae* Lib. 4. Conte-

xtu 74.) ibidem docet *Galilejus*; nam apud *Newtonum* duo globuli Hydrargyro pleni, quorum alter ponderabat Grana 866., alter 808., ex altitudinæ pedum Londinensium 120., quatuor secundis minutis ambo cecidere. Quum ob resistentiam aëris, contingat, ut aliqua adpareat differentia temporis inter illos casus, si magna fuerit differentia inter massas; sed parva sit, comparate ad massarum discrimina (ni tamen corpora specificè leviora per aërem volitent) inferitur secundo, sicuti optime intulit *Galilejus*, fore ut, nisi aër obflaret, quaecumque corpora descenderent uniformi velocitate ex eadem altitudine.

(3) Vide *Gravsandii* *Physices Elementa mathematica*, Tomo primo, §. 153. recentiorum editionum, ubi videbis, Auri frustum, & Plumulam e superiore parte praelongi tubi, extracto aëre, momento eodem ad fundum pervenire; at, post aërem admissum, non ita contingere.

(4) Perlege demonstrationem, quam hic Auctor subijcit Propositioni VI. Libri III. Principiorum.

xat eorumdem externas partes (1); sed in singulas, tum externas, tum internas, paribusque in distantis a centro, ad quod tendunt, aequaliter; siquidem ex proximè commemoratis phaenomenis colligitur, quantitati materiae, ejusque inertiae, seu resistentiae, vim centripetam esse proportionalem; aequalique ratione supra quamlibet cuiuscumque corporis particulam agere, quin velocitas unius particulae addatur velocitati alius sibi conjunctae, eamque velociorem reddat: itaut si concipiamus in corpore A, e. g., decem particulas aequales, & in alio B centum inter se pariter aequales, aequalesque singulas istas singulis illis decem; concipere quoque debeamus, dum ambo ex eadem decidunt altitudine, centum veluti attractiones aequales centripetae vis, quæ urgeatur corpus B, & decem tantum, inter se, singulisque illis centum, singulas aequales, quæ urgeatur corpus A: quamvis impetus, aut momentum corporis B, ob ejus massam decies majorem, illo praestantius esse debeat, quod habebit corpus A (2). Denique centripeta vis ad magnam sese extendit distantiam; nam, ut de illa heic tantummodo loquar, quæ circumterrestribus appellatur, certum est apud multos doctissimos Philosophos, & praesertim apud Neu-

C 2

to-

(1) Si ageret solum in superficiei partem, horizonti obversam, facilius vinceretur inertia, seu resistentia corporum a vi centripeta, dum corpus aliquod inaequalium superficierum, obverreret horizonti majorem, quam dum obverteres minorem; plures enim priori in evento exteriores particulae attraherentur. Si autem ageret in omnes partes, sed exteriores tantum, facilius, vinceretur inertia in auro e. g., postquam ex ipso in laminas ducto fabricatus esset globus magni voluminis, quam si ex eodem auro solido globus funderetur exiguus; nam plures particulae pariter in hac hypothese vim praedictam experirentur.

At, quum videamus aequali velocitate ex eadem altitudine (praecisione facta ab aëris obice) omnia descendere corpora, dicendum est, plures, vel pauciores fieri attractiones pro majori, vel minori eorumdem inertia, quæ ex tota multitudine oritur particularum: itaut actio vis centripetae, secundum *Newtoni* formulam, in corpus attractum, paribus distantis, materiae in hoc corpore sit proportionalis.

(2) Nam corporum impetus, qui etiam quantitas motus a quibusdam vocatur, & ab aliis momentum, ex ipsorum velocitate, & quantitate materiae conjunctim desumitur.

tonianos, ab ista contineri Lunam in orbita, quam circa Tellurem, veluti ejus satelles, describit (1).

At non eodem modo, quo agit centripeta vis, seu gravitatis, seu acceleratrix, & quae sub genere attrahentium virium continetur, ceteras agere vires, per quas corpora omnia, generatim loquendo, ad se invicem tendere nobis adparet, plura phaenomena nobis persuadent. Inter attrahentes vires in universum consideratas, illa certe locum habet, quae a Neutonianis *Attractio cohaesivis* denominatur; per quam scilicet sensilium corporum particulae simul conjunctae resistunt separationi. Major autem haec est in ipso contactu, quam centripeta vis (2), & quod major est contactus, augeatur; sed citius, quam illa, decrescit, dum corporum particulae sese invicem non tangunt; itaut si istae sensilem aliquam inter se distantiam habeant, vis haec attrahens sub sensu non cadat (3). Nondum tamen fuit demonstratum in qua distantiarum ratione inter corporeas partes, ad se invicem, ob causam nobis occultam, tendentes, vis ejusmodi imminuatur. Existimarunt aliqui (4), ipsam imminui, non ea ratione, qua distantiarum quadrata augentur, quemadmodum vis gravitatis, sed ea ratione, qua augentur ipsarum cubi; nimirum in distantia dupla, e. g., esse octies minorem; in tripla esse minorem vicies & septies, &c.; alii vero docuere (5), eam imminui ratione (atque hoc ex quibusdam recte inferri posse phaenomenis) qua distantiarum quadrato-quadrata augentur, seu, breviorum adhibendo formulam, in *biquadratica* distantiarum

(1) Vide sis Propositionem quartam Libri tertii Principiorum Phil., celeberrimi Newtoni.

(2) Ex *Desaguliers*, Lectione prima Physici Curus, Art. 18.

(3) Ex eodem Auctore proxime commemorato, ibidem.

(4) Inter quos *Sigorgue*, Institutionum Philosophiae Neutonianae, Cap. XIII.

Art. 292., qui etiam ibidem demonstrat fore, ut haec vis, si rationem inversam ipsa sequeretur corporum distantiarum, nulla esset in minima ad sensum distantia, & nihilominus validissima esset in contactu.

(5) Inter quos *Desaguliers*, lectione prima Physici Curus, Art. 29.

rum ratione ipsam decreſcere ; ſcilicet in dupla diſtancia e. g. eſſe minorem ſexdecies ; in tripla octogies & ſemel ; &c. : tametſi ſuperiores Auctores ex phaenomenis quoque inferre conati fuerint , in ratione vim huiusmodi decreſcere cubica . Ita ſimiliter illa vis , per quam nobis , adparet a corporibus lumen attrahi , ad valde exiguum diſtantiam agit ; ſicuti legentibus experimenta circa luminis inflexionem , a *Newtono* (1), *Graveſandio* (2), aliisque recentiffimis Phyſicis adcurate habita , & narrata , perſpicuum erit : praeterquamquod , ſi diſtancia haec aliquantulum augeatur , illa vis quae *attrahentis* notmen ſortita erat , novum acquirit , videlicet *repellentis* ; quum in hiſce auctae diſtanciae circumſtantiis , a corporibus , quae in praediſtis adhibentur tentaminibus , radii recedant .

XIII. Demonstratum itaque eſt , maximum eſſe diſcrimen inter attrahentes vires proxime declaratas , & illam , quae centripeta , aut vis gravitatis nuncupatur (aut id aliquis tribuere velit diverſis cauſſis , a quibus variae illae oriuntur attrahentes vires , quemadmodum a peculiari cauſſa plures doctiſſimi Phyſici repetunt vim aliam attrahentem , quae *magnetica* denominari ſolet , aut valde diverſis circumſtantiis , diverſaeque naturae partium corporearum , dum unica efficiens & motrix cauſſa in omnibus ejuſmodi effectis operatur) proindeque inferri ſine maxima & prudentiſſima dubitatione non poſſe , corpuscula luminis , ſi aequales haberent velocitates , eodem prorsus modo , quaecumque ſit eorum maſſa , attractum iri , dum intra ſphaeram , ſeu ſpatium attrahentis vis ingrediuntur ; itaut illa vis , per quam attrahuntur , quantitati materiae , ex qua conſtant ſingula , eſſe debeat proportionalis : negari enim , nec ſine admodum probabili

ra-

(1) Optice Libro tertio , in quo undecim legi poterunt ejuſdem obſervationes .

(2) Phyſices Elementis mathematicis ,

Tomo ſecundo , Art. 272. , aliisque ſequentibus in recentioribus editionibus .

ratione potest ; attrahentem vim ; quae ipsis competit ; aequaliter agere , iisdemque semper. momentis in omnes & singulas tenuissimas particulas , ex quibus corpuscula illa luminis componuntur ; sicuti centripeta vis in omnes & singulas semper agit , ex quibus corpora concrevere , nobis conspicua ; quae , si a Telluris gremio attollantur , & dimittantur , eadem ferri velocitate ostensum jam fuit .

(1) Exhibe tibi luminis corpuscula aliqua , dum ad illos accedunt limites prope refringens aliquod corpus , e. g. triangulare & vitreum Prisma , ubi in lumen agere incipit attrahens vis , ad valde exiguam , ut supra fuit demonstratum , sese extendens distantiam . Eo certe momento , quo hujusmodi corpuscula , quae cum pluribus & doctissimis Physicis figuram sphaericam , ob validas rationes , inesse dicendum est (1) , uno propriae superficiei puncto praedictos attingent limites in ingressu ; attrahens vis in tenuissimas omnes particulas , ex quibus illi globuli componuntur , agere nequaquam poterit , quum inter minimam superficiei particulam , & limitem tunc fiat contactus , & nondum intra spatium attractionis particulae ceterae eorundem globulorum intruperint ; sed in unicum aget punctum , eodemque prorsus modo , quo in alios globulos , dum isti , secundum praemissam hypothesein , ad limitem accedunt , ipsumque deosculantur . Igitur eo momento in globulis massae majoris , minor velocitas normalis , aut verticalis (2) generabitur , quam in aliis minoris massae , quaeque

(1) Ex aequalitate inter angulos incidentiae , & reflexionis , quam in radiis luminis admiramur , dum oblique in specula incurrunt (aut a solidis obicis particulis repercutiuntur , aut ab aliquo interposito medio , antequam obicem attingant) nonnulli inferunt , rotundam inesse luminis corpusculis figuram . Praeterea , quum lumen , veluti fluidum corpus a recentioribus Physicis plurimis consideretur ; illi inter

illos , qui , ad fluorem explicandum , corporum omnium fluidorum moleculis rotundam tribuunt figuram , a fluore luminis idem inferre non praetermittunt .

(2) Vis attrahens radios luminis circa corpora refringentia , agit secundum rectas normales ad eorundem corporum superficies , sicuti videri poterit apud *Gravesandium* , Art. 1069. *Instit. Phil.* , & apud *Musschenbroekium* , *Phys. T. II. Art. 1035.*

que una est e duabus conspirantibus viribus (1), quæ acti hujusmodi globuli describunt diagonales, sicut apud *Muschenbroekium* (2) videri poterit, ubi declarat quomodo radiorum luminis, dum ad corpora accedunt refringentia, refractione fiat; minor, inquam, normalis velocitas; nam si una eademque vis, quæ non sit quantitati materiae, ejusque inertiae proportionalis, aut si duæ omnino inter se æquales attractiones, paribus in adjunctis, in duo agant corpora, massam habentia diversam, velocitates generabuntur, quæ in ratione erunt inversa massarum (3): quare, quum idcirco detorqueri debeant, magis a directione quam habebant, antequam intra sphaeram attractionis inrumpant, luminis globuli massæ minoris, utpote minus reluctantes, quam alii massæ majoris, refringi minus debebunt radii, quos ista secunda, utpote magis obfistentia, constituunt corpuscula, quàm alii ex prioribus constituti.

XIV. Ostendendum nunc est, ne intra totum quidem spatium, ubi attrahens vis, & radios detorquens dominatur, aliquid, secundum naturæ leges, revera posse contingere, per quod in jam declarata hypothesi,

ex

(1) Una istarum virium illa est, per quam luminis globuli, secundum illam directionem conantur pergere, quam habent, dum ad spatii attractionis limites accedunt, & quæ non destruitur, sed conservatur, dum radii ab uno medio in aliud transeunt diversum, & refringuntur; altera verò illa est, per quam in ingressu intra illud spatium, corpus refringens versùs, urgentur ad perpendicularum.

(2) Specimenis Phys. Tomo secundo, Art. 1035.

(3) Si forte aliquis tiro significatum hujus formulæ non bene intelligeret, duo sibi exhibeat corpora, A, & B, quorum alterum A sit, e. g. duarum librarum, & alterum B

quattuor, prioribus homogeneatum. Ratio massæ in A ad massam in B erit ut 1. ad 4. Fingamus nunc a duabus potentis, seu viribus omnino æqualibus, ut e. g. a duobus æqualibus elastis, impelli singula hæc quiescentia corpora ad motum, & per media, sive spatia, aut vena, aut eodem præfuso modo resistentia; ratio velocitatis corporis A ad aliam, quam habebit B, in verso modo exponenda erit, scilicet 4 : 2; quum enim, ob inertiae vim, corpus B duplæ massæ vim habeat duplam ad resistendum, acquirere non poterit, nisi dimidium illius velocitatis, quæ ab alio A acquireretur.

ex globulis majoris massae constructi radii progredi non debeant minùs refracti, comparate ad radios alios qui ex aliis minoris massae globulis construantur. Itaque, quamvis interim permittamus, attrahentem vim in omnes exerceri particulas componentes, tum exteriores, tum interiores, postquam globuli magnitudinum diversarum intra illud spatium attractionum immersi penitus fuerint; agere profectò ipsa poterit sequentibus quibusdam tempusculis in omnes, ex quibus consistunt minores globuli, non autem in omnes, ex quibus alii consistunt ampliores, qui eodem temporis puncto simul cum tenuioribus, secundùm hypothesim, primò intruperint; tenuiores enim, non solùm ob minus volumen, sed etiam ob velocitatem aliquantulùm sibi magis auctam, paulò citiùs toti immergantur, quàm ampliores, necesse est: quare quibusdam sequentibus tempusculis, ob minorem jam expositam resistentiam, magis quàm ampliores, a prioribus idemdem retrahentur directionibus. Postquam verò omnes, tum majores, tum minores intra sphaeram attractionum, secundùm omnes sui partes, fuerint ingressi, permittere interim licebit, ut paulò ante dictum est, eorum quascumque particulas componentes ab attrahente urgeri vi; at quum propter hanc, quae in eo spatio ad refringentem superficiem normalis est, aliquantulùm majorem breviores globuli, quàm grandiores, normalem adquisiverint velocitatem; & quum haec intra illud idem refringens spatium; nulloque occupatum impedimento, conservari debeat; si, postquam radii ab aetherio medio in vitreum e. g. & homogeneum oblique, quantum fatis est ad refractiones, inciderint, separati eorum globuli componentes pervenerint a superficie, quam primò transierunt, in aliam oppositam; ad normalem lineam intra vitrum accedere magis debebunt breviores globuli, quàm grandiores; tametsi inter hujuscemodi majores, & minores accessus, postquam sub eodem obliquo angulo a medio

ali-

aliquo, aut inani, aut minoris attractionis intra aliud attractionis majoris inruerint, non magna, licet sensibilis, differentia intercedat (1). Denique quando illuc perverint, aut in emersione de vitro in medium aetherium, rursum refringuntur, aut, si eo modo vitreum instrumentum convertatur, sicuti sequenti exponetur Paragraphe, ita ut majori incurrant obliquitate, reperiuntur, secundum leges infra tradendas. Quid autem, si emergant, contingere debeat, paucis heic indicabo.

XV. Licet globuli minoris voluminis majorem aliquantulum, quam ceteri, intra medium illud vitreum, ob supra allatas rationes, velocitatem adquisiverint; attamen majores globulos aded masâ minoribus praestare dicendum est (2), ut hi secundi minorem impetum habere debeant, minoremque idcirco attractionibus, aut impulsibus resistendi vim. Quocirca, quum attrahens vis, secundum rectas ad refringentem superficiem normales (3), sese exercent, post illam de vitro in medium aetherium emersionem, & donec ad alium terminum spatii perveniant, ad quem vitrei medii attractiones sese extendunt, istis tunc ab egressu radios, ut ita dicam, retrahere con-

D

nan-

(1) Vide sis *Newtoni* Opticam, Lib. I. Parte II. Prop. III., ubi leges exponit refractionum, quas radii patiuntur primigenii, dum a vitro in aërem transeunt; & ex quibus, per axioma tertium, eidem Libro primo praemissum, inferri facile potest quid accedat, dum ab aëre transeunt in vitrum.

(2) Quum ostensum jam fuerit Articulis VII. IX. & X. hujus Paragraphi, tribuendam probabilius esse variam elementarium radiorum flexibilitatem, varietati massarum, quibus eorum globuli componentes praediti sunt, quam velocitatum; & quum inter istas radiorum passiones discrimina, quamvis non magna, sub sensus tamen cadant, ita ut a *Newto-*

no, post plura tentamina, recenseri potuerint Opticae Libro I. Parte III. Prop. III.; inferendum prudenter est, haud parvam esse inter massas primigeniorum globulorum differentiam, & inter illas praecipue, a quibus colorum sensus, seu *sensations* excitantur, admodum inter se diversae; aliter sine hac, coram Deo magna (per sensus enim nostros proxime percipi id nequit) differentia, sensibilis ea differentia esse non posset, quae inter elementarium radiorum flexibilitates deprehensa fuit.

(3) Vide hujusce rei declarationem in Adnotatione 2. ad praecedentem paginam 61.

nantibus, minora corpuscula reluctabuntur minùs, quàm majora (1); proindeque haec majora tunc minùs a perpendiculari recedent, & illa magis.

XVI. Ceterum si aliqui in eam potiùs inclinarent sententiam, ut dicerent, aequalibus voluminibus globulos quoscumque luminis esse praeditos, sed alios malsà densiores, alios rariores; ad acutius eorum ingenium recte omnia evolvere & explicare pertinebit. Si alii insuper opinarentur, dum agitur de luminis globulis, perperam adfirmari, ab attrahente vi, modò urgeri unum dumtaxat punctum externae superficiei [scilicet primo in ingressu], & modò urgeri plures aut pauciores eorundem globulorum partes (scilicet dum aliqui voluminum inaequalium intra spatium attractionum submergi, ut dictum est, incipiunt); siquidem corpuscula haec ita exigua sunt, ut mathematicorum quasi instar punctorum considerari possint; sic primùm reponerem. Vi illi circumterrestri, per quam omnia corpora, quae sunt intra amplissimam eius sphaeram, urgentur ad centrum, non solum subjiciuntur corpora magnae molis, sed quaecumque, quantumvis infinite parva, per optimam Regulam III. philosophandi, a *Newtono* sub initium Libri III. *Principiorum* expositam: neque solum, per hanc Regulam, dicendum est, gravia esse in Tellurem, pro quantitate in singulis materiae, corpora ingentia, aut mediocria, sed alia etiam omnia mirifice exigua. Quare, sicut in quovis corpore naturali, quantumvis parvo, & neutiquam sensibili, considerare licet particulas componentes, in quas agat vis gravitatis, non video, cur similes particulas, in quas agat vis attrahens lumen, in hujus globulis considerare non liceat: praeterquamquod si vis gravitatis in eas exerceri particulas potest, quae ipsi subjectae sunt; cur

(1) Memoriam repete, quae dicta fuerat praecedenti Articulo V.; nimirum in hisce corpusculis voluminum

inaequalium, aequalem esse materiae densitatem.

cur in alias , tametsi tenuissimas (postquam limites , ad quos sese extendit , attigerint) exerceri vis lumen attrahens non poterit ?

In hisce tantum rebus aliquam esse inter eas vires analogiam , cohaerentiae memor , heic adfero ; quum jam supra ostenderim , quod ad alias proprietates , magnum esse discrimen : immo hoc ipso utar discrimine ad alia sequenti Articulo diluenda . Respondeo secundò , haud ita leviter affici radiorum globulos per vim ipsos attrahentem , postquam intra sphaeram attractionum penetrarint , eorumque particulas componentes , ut ex accepto impulsu , quo istarum plures urgeantur in quibusdam primigeniis globulis , minoris molis , quàm in aliis grandioribus , dum intra illam sphaeram immerguntur , sicuti praecedenti Articulo XIV. expositum fuit , notabilis oriri nequeat in refractionibus diversitas .

XVII. Subjiciet fortasse aliquis , validiora a se desiderari argumenta , quibus demonstretur , attrahentem vim in radios luminis sese exercentem , non esse materiae globulorum , ex quibus primigenii radii constant , semper proportionalem , quemadmodum est comparate ad corpora , in quae videmus agere vim gravitatis . Verùm ad haec reponemus primò , ne a doctissimis adversariis quidem , qui aliis adhaerent opinionibus , valida adhuc argumenta in contrarium fuisse prolata ; atque addemus praeterea , dubitari prudenter non posse de magno discrimine inter modum quo agit vis gravitatis , & illum quo agit vis attrahens lumen ; & hoc revera fuisse demonstratum Articulo XII. hujus Paragraphi . Quocirca , id dumtaxat expendendo , dubitandum prudenter erit , an , sicuti vis gravitatis in omnes , & semper agit particulas corporum , quae ipsi subiecta fuerint , agat semper vis attrahens lumen in omnes pariter particulas , ex quibus elementarium radiorum globuli componuntur ; tametsi intra hujusmodi attractionum sphaeram fuerint ingressi . Post hanc

que incidit (1), alias ejus partes reperiuntur, antequam in ipsa ingrediantur, alias vero reperiuntur, postquam ingressae fuerint, a vi quadam, quae in superficie opposita illi superficiei, per quam radii inrumpunt, & prope praedictam oppositam superficiem, 'dominari videtur, sicuti a *Muschenbroekio* optime exponitur (2). Atque interim adnotari potest, aliquam luminis partem in vitrum ingressam, ideo a posteriori speculorum parte interdum reperiuntur, secundum Neutonianos Physicos, quod ab attrahente vi intra vitrum, & circa ipsum delitescente, eamque superante, quam radii habent, dum in sua ultima directione perseverare conantur, atque emergere e vitro, ita ab emersione retrahantur, ut, exiguum curvam describendo lineam, regrediantur, angulumque reflexionis aequalem angulo incidentiae constituent (3): quamvis nondum ex phaenomenis,

(1) In experimento, quod habuit, & narrat *Gravesandius* in *Physicae Elementis*, Tomo secundo, Art. 3233, Solaris radius in unam e faciebus triangularis, & crystallini Prismatis oblique incidens, dum angulum efficeret cum perpendiculari ad eam planam superficiem, & qui ab hoc Authore, & etiam a *Newtono*, sub initium Opticae, Def. IV. vocatur *angulus incidentiae* (apud alios enim, ut e. g. apud *Pappum*, Mechanicae Art. 550. & *Catoptricae* Art. 19. per *angulum incidentiae* ille significatur, quem, aut linea directionis alicujus corporis incurrentis, aut radius cum recta constituit, quae in ipsa superficie corporis, in quam sit incurtus, consideratur) majorem Gradibus 40., totumque ab aëre circumambiretur Prisma, totus radius reperiuntur. Si autem angulus ille incidentiae fieret minor, i. e. si luminis obliquitas minueretur, aliqua reperiuntur ejus pars, & alia ipsum Prisma permeabat. Denique, quamvis radius praedictum

aëre constitueret majorem Grad. 40., si inferior Prismatis facies, pro aëre, aquam contingeret, tunc lumen, partim, postquam crystallum permeasset, in aquam inrumpere, nec reverberatur; partim vero reverberatur: atque idem accidebat post affusionem aquae intra subiectam pyxidem, cui Prisma fuerat impositum; quamvis ille incidentiae aëre admodum esset Grad. 40., dummodo 60. Gradus non excederet.

(2) *Physici Speciminis Tomo secundo*, Art. 1284.

(3) Vide apud *Gravesandium* in *Phys. Elem.*, Tomo II., Art. 3237. ubi *Hae curvae continuantur* (inquit) *similes, & aequalis est primae portioni, & efficit angulum reflexionis aequalem angulo incidentiae; quia per eandem partem sparii attrahentis lumen vadit, & eadem vires attrahentes in punctis respondentibus posteriorum curvas, in lumen agunt. Sic corpus projectum, in ascensu, & descensu, curvas similes (i. e. semiparabolas) & aequales describit.*

nis, & recte ratiocinando, pluribus acutissimis Physicis evidenter patuerit, eidem causae, ex qua profluunt luminis refractiones, adscribendas esse, ob circumstantias diversas, ejusdem repercussiones, tum illas quae ab anterioribus sunt speculorum superficiebus, antequam radii in haec penetrent, tum alias quae a posterioribus fieri nobis adparet, postquam radii sub certis angulis fuerint ingressi. Hinc *Gravesandius*, postquam, considerando luminis repercussionem a posteriori speculorum parte, tamquam evidens adfirmavit (1), eidem causae tribuendam esse, cui refractioni tribuitur, nimirum illi, propter quam attractiones sunt; illam deinde considerando repercussionem quae ab anteriori fit parte, & ante radiorum ingressum, prudenter subjecit (2): *In hoc casu, in quo attractio quam maxime reflexioni opponitur, quidam radii reperiuntur: qui effectus repulsioni, quam quoque agere vidimus, ubi attractio datur, tribuendus est. Ex his omnibus sequitur, reflexionem in omni casu cum vi refringente relationem habere.*

III. Praefabor secundo, ed facilius lumen reperiatur, aut a parte speculorum anteriori, in quam primo incurrit, aut a parte eorumdem posteriori, quod major est obliquitas incidentiae; nam si angulus, quem luminis radius cum perpendiculari ad superficiem speculi constituit, major sit Gradibus 40., vel 41., sicuti ex experimentis a *Newtono* habitis (3), & etiam a *Gravesandio* (4), perspicuum est, radius totus reperiatur, angulum reflexionis efficiendo aequalem angulo incidentiae. At si minori incurrat radius obliquitate, aut si praedictus angulus immineatur, aliqua ejus pars eadem ratione, qua proxime id declar-

(1) In Physicae Elementis Tomo secundo, Art. 323. & in Institut. Phil. Art. 2324.

(2) Ibidem.

(3) Opticae Libro II. Parte III. Prop. VIII.

(4) *Gravesandii* experimenta supra ex-

positi in Adnotatione prima ad Articulum secundum hujus Paragraphi. Dum tamen ab hoc Auctore indicantur Gradus illius anguli incidentiae, nulla additur disjunctiva particula, sicut a *Newtono* fit; sed dicuntur esse dumtaxat 40.

claratum est, repercutitur, & alia vitrum permeans, deque hoc emergens, in aërem transit circumfusum: & quò magis ille imminuitur angulus, major luminis pars vitrum pervadit; donec, ad perpendiculum incidendo, aut totum, aut fere totum per ipsum transmittitur.

Ob eandem rationem, propter quam, si globulus aliquis projiciatur e. g. in parietem, quò obliquior est ictus (1), eò minorem projectum illud corpus contra obicem exercet vim; luminis globuli similiter (2) eò sunt infirmiores ad vitrea, seu crystallina specula pervadenda, aut ad eam vim superandam, per quam reverberantur, quò major est angulus, ab eisdem incurrentibus, cum normali ad speculorum superficiem, in quam incurrunt, constitutus. Praeterea, postquam facta fuerit heterogenei luminis in septem primigenios radios divisio, si istos consideremus, & si statuamus differentiam esse inter impetum, quem habent globuli omnes, unam radiorum speciem componentes, & illum, quem alii adquisivere globuli, ex quibus aliae radiorum species constant; poterunt sane sub aliquo certo angulo radii reperiuntur primigenii, minori impetu praediti, non autem alii pariter primigenii, impetum habentes majorem; ab istis enim, upote validioribus, superari ea vis poterit (aut attrahens, aut repellens, aut quocumque alio nomine vis hujusmodi vocetur) per quam accidit reverberatio; aut minor erit in hujusmodi radiis, quàm in aliis infirmioribus, componentium globulorum pars quae reverberetur.

IV. His animadversis, ut ad aliquid cognoscendum de

(1) Corollarium est illius Propositionis, in qua Mechanici rationem exponunt, quam perpendicularis ictus ad obliquum habeat, & cujus demonstrationem apud Poissum videre poteris, Mechanicae Art. 552., aliosque Auctores.

(2) Hac eadem similitudine uritur doctissimus Anonymus, & regiae Aca-

demiae Parisiensis Scient. Socius in Gallica interpretatione *Introductions ad Astronomiam Joannis Keilii*, quarum variis illustratis additionibus divulgavit Parisiis, A. 1746., sub haec Capituli octavi, ubi de majori, vel minori agit Solarium radiorum obliquitate, comparate ad Tellurem.

de variae illius elementarium radiorum *Reflexibilitatis* causa propius accedas, contemplare nunc Schema X. in Tabula adnexa primae Parti compendiariae nostrae Dissertationis *De Coloribus* (1); cui Schemati consimilia in Optica *Newtoni* (2), ejusque Lectionibus Opticis (3) videre poteris, brevem autem experimenti, & Schematis illud exhibentis explicationem, in proxime commemorata Dissertatione, Articulo I. Capitis III.; sed interim pro unico radio *F O* (4), qui, postquam intra Prisma fuit ingressus, incidit in ejusdem Prismatis punctum *O*, subpone mente tua septem elementares radios, aut saltem quinque (5), quemadmodum a Schemate primo Tabulae quartae in praedictis Lectionibus Opticis exhibetur; ac finge praeterea, hujusmodi omnes radios, post refractiones in ingressu, circa illud punctum *O* accessisse, ut de alia Prismatis facie, per rectam *C B* repraesentata, erumpant, spectrumque *r s* in candido obice *E I*, elementaribus distinctum coloribus pingant.

In hujusce experimenti exordio, si eam habeant ingressi radii obliquitatem ad Prismatis basim *C B*, ut facile, saltem quantum ad plurimas eorundem particulas, post refractiones de vitro emergant; nimirum si cum normali, ducta a puncto *A* ad punctum *O*, angulum constituent, qui minor sit Gradibus 40., vel 41. (6), & sicuti in iis accidit experimentis, in quibus, vitrea haec arma adhibendo, spectrum in obice variis depictum colo-

(1) Florentiae edita fuit typis Moëckiaois, A. 1749.

(2) In ejus Optica, Schemate 21. Tabulae quartae, spectantis ad Partem primam Libri primi.

(3) Scilicet Schema primum Tabulae quartae, ad Partem secundam Opticarum Lectionum pertinentis.

(4) Sicuti in Schemate nostro, supra commemorato reperies.

(5) Quum in quibuldam experimentis, & phaenomenis *Antoni* color a

Flavo, & *Indicus* a *Ceruleo*, & *Violeteo* vix discernatur; hinc interduum quinque dumtaxat numerari solent, utpote faciliiori secretioni subijcti, elementares colores. Vide dicta, Parte prima Dissertationis, Cap. I. Art. VI.

(6) Sicuti optime decernit *Newtonus* Opticae Libro II. Parte III. Prop. VIII., ubi de lumine loquitur, quando de vitro in aërem oblique transit

loribus fulget; refractionum vi jam divisit, feliciter trans-
eunt, spectrumque illud ~~et~~ multicolore delineant. At si
postea circa suum axem lentè convertas Prisma B A C,
& secundum ordinem litterarum A B C A, ita scilicet,
ut radii elementares intra vitrum ingressi, separati, at-
que in basim C B incurrentes, quemadmodum unici ra-
dii F O incursum exhibetur, minorem quàm antea, dum
omnes, aut multi egrediebantur, angulum cum recta
C O, quae in Prismatis basi consideratur, conforment;
repercuti incipiunt primitiva haec stamina luminis, an-
gulumque reflexionis constituendo aequalem angulo inci-
dentiae, in alium excurrunt paratum obicem K L. Ita-
que, dum in hac lenta Prismatis rotatione angulus F O C,
quem primigenii radii intra vitrum jam secreti, sibi-
que invicem proximi, cum recta C O efficiunt, paulatim
imminuitur, *Violacei* ante sex alios, non amplius, post-
quam inciderint in basim C O, per hanc transeunt; ne-
que amplius imprimunt consequenter *Violaceum* orbicu-
lum in obice E I; sed in alium K L ex puncto O,
per vim, aut repellentem, aut attrahentem, quae in-
tra vitrum, & circa ipsum agit, reverberantur. Post *Vio-
laceos*, perseverante interim Prismatis circa suum axem,
eoque modo, ut dictum est, tarda conversione, proinde-
que decrescente angulo F O C, quem primigenii alii
cum recta C O comprehendunt, contingit ut consimili
ratione in obicem illum K L reverberentur *Indici*, ac
deinde ceteri sequenti ordine, h. e. *Caerulei*, *Virides*,
Flavi, *Aurei*, *Rubei*, qui omnium ultimi, & dum an-
gulus F O C, comparate ad alios, in huiusmodi radio-
rum super basim C O incursum constitutos, minimus est,
reverberantur: quare evidens est, sicuti jam ostensum
fuit Parte I. Dissertationis, Capite III., in luminis fi-
bris elementaribus, habilitatis gradibus ad substinendas
refractiones, respondere gradus habilitatis ad repercussio-
nes; sive, ut vulgò Neutoniani dicunt, ejusmodi fibras,

E

quò

quò magis sunt *refrangibiles*, eò magis esse *reflexibiles*.

V. Cur hoc accidat, puto sic explicari probabiliter posse. Demonstratum jam supra fuit Articulis, I., & II. hujus Paragraphi, certam requiri obliquitatem incursum, ut lumen a speculis repercutiatur; eòque plures ejus particulas, aut globulos, & faciliùs reperiuntur, quò magis incidentium obliquitas radiorum augetur: etenim quò major haec est, minorem ipsi vim habent pervadendi vitrum, aut superandi vim illam attrahentem, supra jam descriptam, per quam ab egressu de posteriori ejusdem vitri superficie in aërem, huic adhaerentem, retrahuntur; quocirca mirum non est, si ab hujusmodi vi quibuscumque in circumstantiis ita retrahantur, ut angulum reflexionis, incidentiae angulo aequalem cogantur efficere.

Finge nunc animo, diversas globulis antea commemoratis, ex quibus primigenii radii componuntur, inesse massas, eademque omnes velocitate a luminosis emissos corporibus [quas duas res hisce particulis competere, ex jam supra declaratis §. II. ~~et §. III.~~], probabiliter inferri potest] oblique incidere ex medio aërio in triangulare praedictum Prisma, a triangulo ABC , citato in Schemate (1) exhibitum; intra illud penetrare; ob refringentem vim ad perpendicularem accedere; in Prismatis basim OC incurrere, sicut incurrit radius FO , atque ea obliquitate, ut, post secundam in egressu refractionem, pervenire valeant in obicem EI , ibique septemgeminum coloratumque spectrum depingere. Si post haec lento motu circa suum axem volvatur Prisma, & secundum ordinem litterarum $ABOCA$, quemadmodum jam declaravi, itaut idemtidem obliquitas incursum, a globulis in eam basim facti, augeatur, seu, quod idem est, imminuatur idemtidem angulus FOC ; ii globuli qui minimam prae aliis massam habeant, & quasi pa-

(1) Nimirum Schemate X. quod in adnexa, reperies.
Tabula, primae Partis Dissertationis

si parem aliis velocitatem (1) (itaut excessus , quem supra istos , quod ad massam alii obtineant , excessum valde superet velocitatis , quem priores illi , infirmiores massâ , obtinuerint , propter sibi auctam paulld magis velocitatem ; quàm in aliis , ob vim attrahentem , intra vitrum) minimum quoque prae aliis habebunt impetum ad relutandum attrahenti vi , quae conabitur ab emersione eodem retrahere : quapropter si ita sese habeant , atque obliquitas tanta sit , quanta requiritur , ut repellens , aut attrahens vis contra ipsorum impetum , ad eruptionem tendentium , praevaleat ; ante alios profectò reverberabuntur in alium paratum obicem K L . Aucâ aliquantulùm , ob eam instrumenti rotationem , incurrentium radiorum obliquitate , alii in eundem obicem K L reverberabuntur globuli , quin de basi O C erumpant , & ad spectrum r r tingendum pervenire valeant ; illi videlicet , in quibus massae sint minores , quam in ceteris superstitibus , & propterea nondum reverberatis : atque ita similiter sequentes , qui , remanentibus aliis , & crassioribus , fuerint massâ inferiores , percussione ipsos praecedent : aded ut postremi ad hanc subeundam illi esse debeant , dum obliquitas , prae aliis anterioribus , erit maxima , qui maximâ inter socios massâ emineant . Quam ob rem illa in luminis globulis massarum varietas , sicuti in hoc Capite , §. IV. Art. V. & IX. fuit explicata , sive varietas voluminum cum eadem densitate materiae , habenda est tamquam proxima , & *subalterna* causa [secundùm ea quae circa physicas rerum causas , in hac Appendice declaravi , Capite III. §. I. Art. VI.] cui adscribi admodum probabiliter possit , non solum elementarium habitudo radiorum , ad varias patiendas refractiones , de qua Paragrapho antecedenti actum est ; sed alia

E 2 etiam ,

(1) Nam intra medium notabiliter refringens , globuli massâ minores , velociores , quàm alii , sed paulu-

lùm , sunt . Vide Articulum sequentem hujusce Paragraphi .

etiam , de qua heic agimus , ad varias patiendas repercussiones , aut , Philosophicas , & Laonicas usurpando formulas , non solum varia illorum *refrangibilitas* , sed varia etiam *reflexibilitas* : quamquam hujusmodi res , quas duarum instar diversarum qualitatum consideramus , nihil sint aliud , reapse loquendo , quam ipsa massarum varietas ; etenim quatenus haec in globulis refractorum radiorum expenditur , varia ad refractiones *dispositio* , aut *refrangibilitas* in scholis denominatur ; quatenus autem in eisdem expenditur globulis radiorum , dum isti reperiuntur , varia ad repercussiones *dispositio* , sive *reflexibilitas* .

VI. Denique , ut quaedam evitentur tricae , quae opponi contra nos possent , ad ostendendum , impetum fore majorem in globulis luminis , qui facilius refringuntur , & reverberantur , quam in aliis reluctantibus magis ; quoniam hi secundi , qui eandem , ac priores , obtinebant velocitatem , dum a luminosis corporibus emitterentur , secundum hypothesen , postquam intra spatium , aut sphaeram attractionis essent ingressi , minus , prae ceteris , ob majorem resistantiam , attrahi deberent , & minorem propterea intra medium notabiliter attrahens , velocitatem acquirere ; ut hujusmodi , inquam , declinentur tricae , memoriâ repetere , si opus fuerit , poteris quae Articulo ~~ultimo~~ ^{1^o} Paragraphi ~~proxime~~ praecedentis ^{11.} declarata fuisse ; videlicet in radiorum , comparate ad alios , minus *refrangibilium* , & *reflexibilium* globulis , tantò majorem esse massam , ut , quamvis intra attrahentia media resistent magis , minoremque aliquantulum , quàm alii , ibi velocitatem idcirco adquirant ; nihilominus , ob suarum valde notabilem massarum excessum , impetu , seu momento ceteris praestent .

Addo interim , mirari neminem debere , si heic , ab eadem caussa , sive ab unica attrahenti vi , refractiones , & repercussiones luminis repeti , admodum propabili-
ter

† XV.

ter posse ; admiserim ; licet Articulo XII. Capitis III. in hac Appendice id exequi non placuerit . Certa ibi , & evidētia dumtaxat exponere debebam ; heic autem probabilia quaedam , & prae aliis Philosophorum opinionibus , ut puto , valde probabiliora , in medium volui proferre .

§. I V.

Recentiorum quorundam Philosophorum , & praecipue Gassendii , qui de Lunari Iride dubitarunt , sententia exponitur , & impugnatur ; Americi Vespuccii , aliorumque heic adduntur circa idem phaenomenon observationes , ut excludatur magis hac de re dubitatio .

I. **I**N prooemio , huic Appendici praefixō , historicam potius hanc lucubratiunculam , quā philosophicam futuram praefatus revera sum ; sed quum tere ad umbilicum esset perducta (eorum enim pauca desiderabantur , de quibus me acturum sponponderam) & in mentem venisset , praeter ea quae de Iridum causis Capite III. fuerē exposita , commodē heic quaedam de illis quoque adungi posse , quē probabiliter admirabiles illae habitudines tribuendae sint , quas primitivis inesse luminis radiis , ad varias patiendas , modō refractiones , modō re-percussiones , Parte primā Dissertationis jam exposueram (nihil enim ibi de huiusmodi causis) ; haec , quantumque fuerint , aequum duxi , haud esse praetermittenda , antequam pauca quaedam alia historica , Capite II. huiusce Appendicis omīssa , heic adtexerem : quam ob rem , praeter intentionem , quam in exordio habui , partim historica , partim philosophica , inopinatō haec lucubratiuncula evasit . Immo , ne ea , quae ad physicas pertinent controversias , admodum prae aliis exuberent , pauca haec , ad Lunarium Iridum observationes praecipue

pue spectantia; ut quae sub initium declarata fuere, confirmantur magis, subijciam.

II. Verum, antequam heic recenseam duo alia illustrium auctorum testimonia, quorum alter in America, alter in Asia Lunarem Iridem suismet oculis aspexere, recentiorum quorundam Philosophorum de hoc phaenomeno dubitationes praetermittendae non sunt; scilicet ad validius confirmandum, haud frustra conquistata a me fuisse idoneas circa illud observationes; quum de re agatur, de qua, utpote perrarò in conspectum se dante, doctissimi etiam viri, tametsi politiori Physica exculti, dubitare.

Itaque *Petrus Gassendus*, inter neoteros Physicos magni nominis, Operum Tomo II. Physicae Sect. III. Membro I. Lib. II. Cap. VI., postquam de Iride Solari disseruit: *Hisce nihil est necesse* [inquit (1)] *subijciam circa Lunarem Iridem, quam Aristoteles memorat (2) inobservatam veteribus, & bis solum suo tempore supra annos quinquaginta visam. Dicit eam esse prorsus albam, & non nisi plurium annorum interstitio contingere, & die mensis unicâ, plenilunio nempe videri; at oppositum convincunt, tum Gemma (3) qui coloratam observavit, tum Snellius qui biennio bis, tum Albertus (4) qui Lunâ semiplenâ. Tametsi forsitan istis, aliisque Halos, sive Area circa Lunam visa, habita fuit pro Iride; cum & quae nam fuerit illius amplexudo non definierint, & videre eos liceat, qui*

(1) Pag. 22. columna secunda editionis *Florentinae* circa annum 1727; nam neque in fronte, neque in fine hujusce Tomi secundi epocha notata est, sicuti notatur in prioris fronte; ubi adparet A. 1727.

(2) Integrum hac de re *Aristotelis* contextum videre poteris Cap. I. Art. I. hujus Appendicis.

(3) De *Gemmae Frisii*, & *Willebrordi Snellii* observationibus vide supra Capitulum II. Art. II.

(4) Nimirum celebris ille Theologus, & Philosophus, natione Suevus, inclyti Ordinis S. *Dominici*, S. *Thomae Aquinatis* Praeceptor, cui *Magni* cognomentum tribui vulgò solet, & in cujus laudem, praeter cetera, ut vasa ejus in qualibet disciplina eruditio celebraretur, distichon hoc circumfertur:

*Inclytus Albertus, doctissimus atq; disertus
Quadrivium docuit, ac totum scibile servit.*

qui *Parbelia* vulgò describunt, appareteis una *Halones* appellare, *Irides*; forè quidd *Halones*, esse aliud putens. Supponendum *Areae* nomine heic intelligi insignem illum circulum, qui saepenumero circa *Lunam*, uti & circa *Solem* apparet, ac habens semper exquisitè ipsum luminare in centro. Diametro subdupla ad *Iridem* est, complens nempe Gradus quadraginta duos; cum & ipsius crassitudo sit proxime sesqui-Gradus; crassitudine *Iridis*, quod dicere obliti sumus, existente trium, vel proxime Graduum.

III. At nihil peccavit profectò *Aristoteles*, dicendo, Meteor. Libro III. Cap. II., dum de hoc agit phaenomeno, Rarè id contingit; quia plura simul requiruntur adjuncta, sicuti patebit expendenti sedulò observationem Domini *De Thoresby*, Angli Philosophi; supra relatam, Capite II. Art. IV., quae consociari rarè solent; neque aliquid absonum protulit, & incredibile, dum eodem in Libro III. Meteorologiae, sed Capite IV., ubi potissimum de Solaris *Iridis* coloribus disputat, adfirmavit, Lunarem *Iridem* adparere *Albam* valde; nam alba quoque adparuit primum, ut narraui Capite II. Art. VII., *Muschenbroekio*, ac deinde post aliquot annos, ut ibidem subjeci, aliqua in parte dumtaxat flavescens: praeterquam quod testimonium infra addemus *Francisci Bernerii*, celeberrimi Physici, &, quod caput est, *Gassendianae* Philosophiae fidissimi sectatoris, qui, albescentem similiter Lunarem *Iridem* a se fuisse conspectam testatus est. Interea concedimus, ex paucis *Aristotelem* observationibus, nimis confidenter intulisse, ad praedicti Arcus conformationem, aut Plenilunium, aut saltem tempus ipsi proximum esse, esse necessarium, quemadmodum Capite I. Art. II. ostensum fuit; neque veram & proximam causam *Alboris*, quem

(1) Sicuti *Aristotelis* verba accipit *Cassius*; ut declaravi Capite I. Art. II. qui putat nomen illud *plenilunium*

lato modo ab *Aristotele* fuisse usurpatum.

quem in Arcu observavit, ibidem exposuisse ei; sed simul adfirmamus, dubitasse imprudenter *Gassendium*, an *Aristoteles*, alique Sapientes, in quorum scriptis legitur, Lunarem Iridem fuisse interdum ab eisdem conspectam, *Iridis* nomine significare semper, nocturnas *Halo*, sive *Halones* voluerint. Legentibus *Aristotelis* contextus jam expositos Capite I., luce clarius patebit, non de ulla *Halone*, seu *Corona*, sed de arcuata taenia, quae in caelesti spatio conspecta fuit contra splendentem Lunam albescens, non autem circa ipsam, sicut *Halones* adparent, ibidem Philosophum fuisse loquutum. Putandum insuper nequaquam est, *Snellium*, inter insignes Mathematicos, quorum est mos in hisce circumstantiis vocabulis non abuti, sed propria & opportuna adhibere, meritis adnumerandum, nomine *Iridis Lunaris*, quam narrat, ut ibi *Gassendus* fatetur, *biennio bis* a se fuisse obser-

(1) Meteor. Libro III. Cap. IV. *Aristoteles*, dum obiter de Lunari loquitur Iride: *Adparet* (inquit) *alba valde: sit autem hoc, quia in obscura adparet nubes, & per nellem*. Colorum natura ad *Newtoni* ulque tempora inter obscuras nubes & tenebras involuta magis fuit, quam Iris Lunaris: quare mirum non est, si ita loquutus fuerit Philosophus. Ideo aliquando Solaris Iris, albore dumtaxat insignis adparere potest, atque idem accidit aliquando *Haloni*bus, seu *Coronis*; quia in puncta eadem organi visus, quae a quibuldam primitivis radiis, iam retractis, & divisis, leviter perstringuntur, adveniunt alii diversarum specierum; sicuti ex iis licet colligere, quae recte hac de re declarat *Musschenbroekius*, *Physici Speciminis* Tomo II. Art. 1612., ubi de Solari Iride alba; atque ibidem, Art. 1620., ubi de albis *Haloni*bus. Ob eandem causam idem quoque, dum Iris generatur Lunaris, accidere posse vi-

detur: sed interim animadvertite, ad alborem aliquem imperfectum, & qualem Lunares Irides praeterferre solent, efficiendum, non requiri, ut specierum omnium primitivi radii in praedicta perveniant puncta; nam satis est, si aliquarum dumtaxat specierum perveniant; sicuti recte insertur ex jam explicatis Parte prima Dissert., Capite V. Art. VI. Praeterea, ob languidius Lunare lumen, de qua re actum fuit Capite III. Appendicis, §. II., quibusdam in circumstantiis languidae admodum sunt in visus organum impressiones. Id si accidat, intermoriuntur adparebunt colores; quare ob hanc etiam fortasse causam accidere aliquando potest, ut Lunaris Iridis colores, in pallidum quemdam alborem vergentes adparent, & admittunt aliquem eorum elementarium radiorum colorem praefulerentes, qui majori copia, prae aliis, adveniant.

servatam, Halones denotare voluisse, quae non raro, sed saepe a plurimis observari solent. Denique ex observatorum, quos commemorat, circa illius Iridis amplitudinem silentio, perperam adripuit occasionem *Gassendus*, inter dubias res hoc phaenomenon recensendi; quum heic nullius sit ponderis, secundum criticae artis regulas, *Argumentum negativum* (1); & prudenter dubitari nequeat, an Dominus *De Thoresby* (2), an *Musschenbroekius* in sua prima observatione (3), sicuti Capite II. narratum fuit, Iridem, non circa, instar coronae, sed revera contra Lunam adspexerint; quamvis de ejusdem Iridis amplitudine ne verbum quidem: quo silentio & celebres alii Philosophi, quos heic praetereo, sunt usi, dum idem phaenomenon a se fuisse visum tradunt.

III. *Gassendius* tamen adstipulati sunt recentissimi quidam Physici, inter quos admodum reverendus P. F. *Fortunatus a Brixia*, Ordinis Minorum *S. Francisci*, Refl.; nam Tomo IV. ejus Philosophiae, secundis curis perpolitae, & Brixiae iterum editae A. 1748., haec leguntur (4): *Hactenus de Irido Solari. Au porro etiam Luna valeat Iridem efficere* (5); non omnino certum est. Neque enim plane constat, an quam *Aristoteles*, *Gemma*, *Snellius*, aliique nocturno tempore se vidisse ajunt, fuerit ve-

F

ra

(1) Certa falsitatis nota, aut saltem suspicionis prudentis causa, tunc ex auctorum silentio (aut rem aliquam contigisse nequitiam narrent, aut narrent, sed aliquid ad ipsam pertinens praetermittant) recte deducitur, quando conslet, id, de quo tacere, ejusmodi esse, ut neque ab ipsis ignorari potuerit, si accidisset, neque debuerit praetermitti, si cognitum fuisset. Sed accurate discernere quanta sit Iridum diametros, non ita facile est; quamvis de ipsa aliquid exactiori modo indicare difficile non sit; & ejus quantitas reticere omnino potest, sine

ullo narrationis detrimento, dum narrantis mens in id solùm intendit, ut nemo de nocturnae Iridis adparitione dubitare prudenter valeat; quare ex auctorum quorundam silentio circa hujusce Iridis amplitudinem, perperam intulit *Gassendus*, dubirandum esse, an veram Iridem viderint, an Halonem.

(2) Supra, Capite II. Art. IV.

(3) Supra pariter, ibidem, Art. VII.

(4) Physicae particularis Parte II. §. 4273. pag. 221.

(5) Quomodo inpropria haec formula sit accipienda, ne rejiciatur, vide dicta superius, Capite III. Art. IV.

ra Iris, num potius Halo, sive Corona; cum, ut observat Gassendus, & quatenam fuerit illius amplitudo non definierint, & videre eos liceat, qui *Parbelia* vulgò describunt, apparenteis unà *Halones* appellitare, *Iridem*: forte quòd *Halones*, esse aliud putent (1). *Urit tamen res sit, illud videtur certissimum, Lunarem Iridem non futuram, nisi Plenilunii tempore* (2), ejusque colores longe debiliores esse, quàm *Lunaris* (aut amanuensis, aut typographi videtur erratum, & *Solaris* certe legendum est) quòd, ut etiam *Seneca* animadvertit, Luna non habeat tantum virium, ut nubes transeat, & illis colorem suffundat, qualem accipiunt a Sole perstrictae (3). Hactenus clarissimus *Fortunatus*, ejus opinionem, consimiles apud alios nostrae aetatis Philosophos, nisi fallor, compententur (4).

IV. Quandoquidem Gassendii, aliorumque dubitationes de Iride Lunari exposuimus, praestabit nunc duas alias sapientum duorum virorum observationes, Capite II. hujus

(1) Exscripta haec suere, ex ipso Gassendio, & supra etiam a nobis relata proxime praecedenti Articulo II.

(2) Sed falsissimum hoc esse parebit legentibus Articulum VI. Capitis II. In hac Appendice, ubi ostensum est, hoc visum fuisse a *Vviderio* phaenomenon, dum Luna adpareret dichotoma; & etiam Articulum VII. ibidem, ubi demonstratur, & aliquantulum ante, & aliquantulum post Plenilunium, idem a *Muschenbroekio* fuisse observatum.

(3) Haec dixit *Lucius Annaeus Seneca*, Libro I. *Naturalium Quaestionum*, sub finem Capitis II. Integrum autem hujusce antiqui Philosophi contextum circa Lunarem Iridem, videre heic poteris Capite I. Art. IV. a me exscriptum, Ceterum quatenam sit legitima causa, propter quam languidiores in hac Iride colores adpareant, heic explicare sum conatus Capite III. §. II. Art. I. & II.

(4) De hoc phaenomeno neutiquam dubitat *Benjaminus Martinus*, Societati adscriptus Londinensi, in sua *Grammatica Philosophica*, Parte III. Cap. IV., & pagina 207. Venetae editionis A. 1750. licet praecipue inniti videatur unice observationi Domini *De Thoresby*, Societ. Lond. *Transactioibus* insertae, atque heic, Capite II. Art. IV. a me relatae. Perlegi etiam poterit quid de hoc eodem raro phaenomeno censuerit clarissimus *Odoardus Cosinus*, ex Clero. Regg. Scholarum Piarum, Tomo III. *Institutionum Philosophicarum* ad usum Scholarum Piarum, Physicae Particularis Tractatu I. Disp. III. Cap. VIII. Art. IX., & etiam initio Articuli X., paginis 396. & sequenti, Florentinae editionis A. 1732., aut in aliis editionibus posterioribus, in quibus eadem, quas in prima, eruditissime sententias exponit.

hujus Appendicis praetermissas, heic recensere, praesertim quum eorum unus, scilicet *Bernerius*, Epicuream a *Gassendio* emendatam Philosophiam fuerit amplexus, ejusque Epitomen adcurate, & Gallice lucubratam publici juris jam fecerit (1); ita enim confirmabitur magis, ambigi prudentem non posse, an caelestis Arcus per noctem contra splendentem Lunam, vigilantibus quibusdam Philosophis, & Matheoseos haud ignaris in conspectum se dederit.

Igitur ab antiquiore inter hosce duos auctores magni nominis incipiamus. Multiplici scientia instructus, & praesertim Cosmographia, *Americus Vespuccius*, Florentiae patricia stirpe ortus (2), magnanimus, & revera clarissimus, quia omnium primus ex Europeis (3) intra vastam illam ingressus est continentem, quam de suo nomine *Americam* nuncupavit, & cujus luculentissimo testi-

F 2

monio

(1) Inscribitur hujusmodi Compendium *Abrégé de la Philosophie de Gassendi*; in octo, sed exiguae molis, volumina dispersitum fuit, & primo typis editum Lugdunensibus, A. 1678.

(2) Hujus Vitam Italice, & eleganter scripsit, typisque mandavit Florentiae A. 1743. Cl. *Angelus Maria Bandinuz*, Florentinus, nunc ibidem Marcellianae Bibliothecae Praefectus, simul cum Relationibus atque Epistolis Italice scriptis de longis itineribus, quae *Americus* consecrat.

(3) Patet hoc, tum ex proxime commemoratis Relationibus, tum ex plurium, eruditione, & praesertim Geographiae veteris, & novae, insignium Auctorum concordia sententia, & quales sunt, *Ricciolus*, Geogr. Refor. Lib. III. Cap. 22., *Cluverius*, Libro VI. Introduct. in Geographiam, Cap. XI. Art. III., *Cellarius* in Synopsi Geographiae antiquae, & novae, Cizae in Germania impressae A. 1687., Tomo secundo, in quo nova continetur, Capite 28. pag. 430.,

aliique non pauci. Hisce addere aequum est, Historici de rebus Hispanicis, peritissimi, & magni nominis, testimonium, scilicet *Johannis Marianae* S. J. in hujus Historiae, Hispanicae ab eodem scriptae (nam Latino etiam, & valde eleganti sermone ipsam primo divulgavit A. 1593.) castigatae, & auctae, & Matrrei, post alias editiones, impressae A. 1630., Tomo II. Lib. 26. Cap. 3. lego, a *Christophoro Columbus*, Genuensi, postquam aliquas adivisset Insulas citra Aequatorem, inter borealem Americam, & australem exstantes, lecta dumtaxat fuisse litora continentis ultra Aequatorem, a promontorio scilicet de *Bacallao*, ad fretum usque, de *Magallanes* possea nuncupatum; sed *Vespuccium*, jussu *Emmanuelis* Lusitaniae Regis, intra continentem ante alios fuisse ingressum, totamque illius partem, quae nunc Brasilia dicitur, A. 1502. primum ab eodem fuisse detectam.

monio; praeter *Aristotelem*, *Gemmam*, & *Fromondium*; doctissimus utitur Mathematicus, *Franciscus Maria Grimaldus*, Bononiensis, S. J. (1), ad confirmandum, ex refractionibus, & repercussionibus Lunaris luminis, dum propitia quaedam adsint adjuncta, caelestem Arcum contra Lunam naturaliter conformari posse; clarissimus, inquam, *Americus Vesputius* in una suarum epistolarum, quae a *Johanne Baptista Rhannusio* (vulgo apud Italos *Ramusio*), Geographiae admodum studioso (2), typis fuere mandatae; nimirum in tertia ab eodem Rhannusio editarum (3), & quam scripsit *Americus*, ut ex ipsius epistolae patet contextu, postquam novas a se repertas regiones in Australi Hemisphaerio, ad plures Gradus ultra Tropicum Capricorni, feliciter perlustrasset: *In quello hemispero adunque* (inquit, postquam aliqua de novis a se ibi visis Stellis, sed aliquantum confuse, narravit; auctorisque vocabula omnia haec exscribam, prout jacent in Volumine primo Relationum de variis Navigationibus, quas collegit, & Italice vulgavit commemoratus *Rhannusius*, sed secundae editionis Venetae apud Junctas A. 1554., nihil emendando, praeter interpunctionem, levissimam litterarum u, & v mutationem, prout oportet, ne vocales cum consonantibus confundantur, & patens aliquod typographicum sphalma, ut commodius haec legatur, & intelligatur narratio) *considerai con diligentia alcune cose, le quali contradicono alla openione de' philosophi; perciò che sono contrarie, et del tutto repugnanti.*
E fia)

(1) De Lumine, Lib. I. Prop. 47. Art. 2.

(2) De hoc erudito viro, Venetiis nato; cui celebris *Fracastorius* tres dicavit Dialogos, legi *Ghilinius* potest, a quo Parte I. Theatri Litterarum, ejus fit Elogium; & *Fentianinus* in *Eloquentia*, seu Bibliotheca Italica, ab *Apostolo Zeno* illustrata.

(3) Cl. *Randinus* in alia ad hunc Ar-

ticulum Adnotatione commemoratus, ex quibusdam inter veteribus monumentis, hanc Epistolam, quae a *Rhannusio* inscribitur *Summa*, sive, ut est apud hunc, *Sommario*, & veluti cum aliis scripta ad *Petrum Soderinium*, fuisse revera a *Vesputio* missam ad *Laurentium* ex Medicea stirpe, *Petri* junioris filium, Capite IV. citati Elogii, quo *Vesputium* illustravit.

E fra l'altre vidi (1) l'Iride, cioè l'arco celeste bianco; quasi nella mezza notte; perciò che, secondo il parer di alcuni, prende i colori da i quattro elementi, cioè dal fuoco il rosso, dalla terra il verde, dall'aere il bianco, e dall'acqua il celeste; ma Aristotele nel libro intitolato Meteorà è di opinione molto diversa (2); perciò che egli dice, l'arco celeste esser un ripercotimento di razzo (3) nel vapore della nuvola postagli all'incontro, sì come lo splendore splendente nell'acqua, riluce nel parere (4). Ritornando in sè stesso, con la sua interposizione tempera il caldo del Sole, &c.: & postquam pauca alia de Iride adtexuit Solari, scilicet, nisi fallor, ut melius exstaret, quantum ad colores, discernimen inter album Arcum a se visum, & Solarem, qui, aut tribus, aut quattuor distinctus coloribus plerumque fulget, & aliquando etiam quinque, ita subicit, ad Lunarem revertendo: Io vidi il predetto arco, due, o tre volte; nè io solo posi mente a questo, ma anche molti marinari sono a favore di questa mia opinione. Similmente vedemmo la Luna nuova nel medesimo giorno, che si congiunge col Sole, &c.

V. Interea verò, ne quis putet anile aliquod esse commentum id quod ibi narratur de aliqua visa Lu-

nac

(1) In adhibita hujus epistolae editione, pro vidi legitur vidde; sed quum paullo infra scribatur Io vidi, sicuti recte scribendum est, typographicum erratum esse videtur, atque idcirco a me sublatum.

(2) Scilicet in eo volumine, Meteorologiam continente, quod in Libros quattuor dispersitum videmus. Capite autem IV. & seqq. Libri tertii ibidem Aristoteles multa de Solaris Iridis natura declarare conatur. Ex ejus opinione, imbrium, & vaporum guttulae sunt veluti totidem exigua specula, Solares radios tunc in speculatoris oculos reverberantia. Quum putaret, ex varia luminis, & umbrae admixtione colores fieri; obscuritati rosidae nubes, in qua spe-

ciatori Iris adparet, varios hujus colores tribuere videtur; eorumque exiguitate speculorum utitur ad explicandum, cur Solares imagines tunc non adpareant.

(3) Razzo pro Raggio alii etiam, & idonei Auctores Italice scripserunt.

(4) Quarevis apud Italos hoc nomen Parete eleganter sit generis foeminiini; tamen, quum ipsorum aliqui, Etruscae linguae studiosi, non vituperentur, quod scripserint il Pariete, a gravi culpa, aut potius ab omni immunis videtur Vespertinus; praefertim quum, ob diuturnam ab Etruria abientiam, exotica quaedam vocabula in suis Relationibus adhibere coactus, ut ita dicam, aliquando fuerit.

nae parte illuminata, ipso die Novilunii; & ne hinc praecipiti iudicio occasionem adripiat inter fabulas recensendi quaecumque alia ibidem relata; quid duo magni nominis Astronomi hac de re censeant, breviter indicabo, & quomodo istorum unus, *Vespucii* testimonio proxime exposito, uratur ad suam confirmandam sententiam.

Ex iis quae narrat celebris *Keplerus*, idoneus hac in re iudex, tum in Dissertatione de nova Stella Serpentarii, Capite XXIV., tum in Epitome Astronomiae, Libro VI. (secundum relationem, quam accepit a *Viro*, ut ipse dicit, *gravi*, & *litteratissimo*, in urbe Hispaniae Baeticae commorante) colligitur, A. 1553. die 13. Martii, *visam fuisse Hispani Lunam juxta Solem in ipso Coeli medio*; dum Sol exstaret in Gr. 3. signi Arietis, & Luna in Gr. 23. signi Piscium (1), proindeque dum haec a Sole distaret Gradus circiter 10: (2). Porro in huiusmodi distantia ait *Keplerus* (3), latitudinem Lunaris cornu fuisse partem 109. diametri Lunaris, scilicet 19., aut 20. minut. secund., atque idcirco Lunae partem adeo exiguam illuminatam videri vix potuisse; sed visam tamen ob puritatem aetheris circa Solem (4).

Sed

(1) Adfirmat *Keplerus*, ubi de Stella nova Serpentarii agit, ab Hispanensi amico nuntiatum sibi fuisse, Lunam in signo Piscium exstistisse; sed in Epitome Astronomiae, quam postea vulgavit, re melius considerata, id contigisse statuit, dum in 23. Gr. Piscium exstaret Luna.

(2) Motu proprio Sol, & Luna, ab occasu in ortum procedunt, secundum ordinem Signorum, h. e. Arietis, Tauri, Geminarum, &c.; quodlibet Zodiaci signum in Gradus 30. dividitur; quare, quum Luna exstaret in Gr. 23. Piscium, inter hunc, & tertium Arietis, in quo erat Sol, ab occasu in ortum procedendo, decem circiter Gradus, quum istorum minuta haec negligantur, intereipiuntur.

(3) In Astronomiae Epitome commemorata.

(4) *Keplerus* L. VI. Epitomes Astronomiae, ob aliam confluentem causam, putavit potuisse tunc Hispani aliquam Lunae particulam esse conspicuam. Prope Regnum Monomotapae in Africa, ultra Aequatorem, inter Gr. 45., & 50. circiter, situm, series est Montium, qui a Luna nomen accipiunt, nivibusque obruti, valde allicant. Lumini, sed, ut patet, admodum infirmo, repercussio ab hisce nivibus in Lunam, & a Luna in Hispanensium spectatorum oculos, tantam ipse tribuit vim, ut in eorum organo visus, splendentis illius cornu Lunaris imago depingi potuerit. In hoc certe pauci *Keplero* adhaerebunt.

Sed & Americus Vespuccius apud Ramusium Tomo I. Navigationum (1) pag. 132. (ait celebris Ricciolus S. J., Almagesti novi Tomo I. Libro IV. Cap. III. Art. V., postquam Kepleri relationem exposuit) sic narrat: Similiter vidimus Lunam novam eodem die, quo Soli jungebatur. Sed & Joannes de Barros ibidem pag. 392. At aestate in vertice illorum montium (nimirum circa auri fodinas Regni Sofalensis in Africa, ut heic in adjuncta explico Adnotatione) aer sic purus est, ut nonnulli ex nostris Lunam novam die conjunctionis viderint (2). Nos autem A. 1648. [suam nunc Ricciolus subjicit observationem] die 25. Martii, occaso Sole, hora 29. & 40. minutis post Novilunium, tantam vidimus primam Lunae phasim, ut ab orienterioribus necessarium eodem die naturali videri posueris. Itaque si raritas & subtilitas aeris id permittat, potest, paucis post horis a Novilunio, videri Luna nova, praesertim circa Meridianum.

Nemo autem, si sapiens sit, dubitabit, an *Vespucius* indicare *albae Iridis* nomine Halonem aliquam voluerit. Circa Lunam Halones frequenter quibuscumque di-

stin-

(1) In secunda editione jam superius commemorata Rhamnusiani operis, i. e. Veneta A. 1554., illud *Vespucii* testimonium legitur paginâ 144.; sed fortasse in illa a Ricciolo adhibita exstabit paginâ 132., nisi aliquid inreperit mendum.

(2) In citato Rhamnusianae Collectionis Volumine primo secundae editionis, qua ego sum usus, facie secundâ chartae (nam in quolibet folli dimidio unus tantum notatur numerus) inscriptum habentis numerum 434., haec in Italicam verba linguam leguntur, excerpta ex Historia, quam Joannes de Barros, Lusitanus, sub *Decadum* titulo, patriâ scriptis lingua de Asiaticis rebus: *Le Atino di questa terra, dove si cava l'oro, la più propinqua a Cefala* (exi-uum est Regum ad Castrorum ro-

gionem in Africa pertinens, nunc apud recentiores Geographos *Sofala*. & quod nonnulli putarunt esse terram illam *Ophir*, apud Graecos interpretes *Swâpax*, ex qua *Salem* magnam auri vim accipiebat) *sono quello, che loro chiamano Manica; le quali sono in un campo circondato di montagne, che nel tempo del verno, se alcuno resta nella sommità di quello, muore agghiacciato; ma nel tempo della estate, in cima di quelle l'aere è così puro e sereno, che alcuni delli nostri, che in quella stagione vi si trovano, hanno veduto la Luna nuova nel dismedesimo della congiunzione, i. e. Novilunii. Exscripta haec eodem fere modo, sicuti Articulo proxime praecedenti, de Vespucianis dixi, me esse facturum.*

distinctae coloribus, & non raro, praesertim a vigilibus navigantibus, inter quos ipse eminuit, qui de nocte caelum saepe contemplari solent, totae albae videntur; quare de eo phaenomeno, tamquam de rara & insolita re, mentionem fecisset nullam. Quum praeterea ibi relator elare ostendat, Meteorologiam a se perlectam fuisse *Aristotelis*, qui ibi Irides ab Halonibus aperte & accurate discernit, diversisque appellat nominibus; dicendum non est, confusa omnia a *Vespucio* fuisse. Denique quamvis ipse id narrando, nihil dicat de Luna; ad hanc phaenomenon illud pertinere ex ea sequenti formula colligi potest: *Similmente vedemmo la Luna nuova*, &c.: quibus verbis, non eodem naturali die, quo Iridem albam vidit, a se Lunam quoque visam fuisse *corniculatam*, voluit significare [cuilibet enim evidens est, ipso Neomeniae die, Lunarem Iridem gigni non potuisse] sed alio diverso; dum competentem Luna splendorem emitteret, & quemadmodum relatoris verba paullo ante commemoratus *Grimaldus* optime intellexit (1).

VI. Ad ea confirmanda, quae de Iridis Lunarise apparitione jam exposui, opportunum fortasse videri poterit Lusitani cujusdam Naucleri, sed anonymi, testimonium, cujus relatio de sua navigatione, ab amplissima urbe Olisipone (2) ad insulam Sancti Thomae, Africae, occasum

ver-

(1) Suspiciari aliquis posset, neque Halonem, neque Iridem *Vespucio* apparuisse; sed lucidam, & albam zonam in arcum contortam, dum in eo Australi Hemisphaerio aliqua contingeret Australis Aurora, illis confimilis, quae in Hemisphaerio nostro, Polum versus Borealem, aliquando contingunt; nam in hisce phaenomenis arcuatae quaedam zonae, & albae fuerunt observatae. Verum quum ibi de *Iride alba* domtaxat mentionem faciat *Vespucius*, & nihil de splendorum varietate, di-

versisque figuris, &c., quae in praedictis phaenomenis accidunt; videtur certum, nihil aliud, praeter Lunarem, & veram Iridem, tunc a *Vespucio* fuisse conspectam.

(2) *Olisipo* est in contextu Pliniano *Harduini* S. J., qui in Adnot. ad Caput 21. Libri quarti ejusdem *Plinii* senioris, ex antiquis monumentis ita esse scribendum ostendit, non autem *Olyssipo*, aut *Olyssippo*, ut aliis placuit. In Graecis *Ptolemaei* codicibus, se legisse testatur idem *Harduinus*, *Ὀλισσίπων*.

versus, proxime adjacentem (1), feliciter peracta, in Italicum versa idioma, Volumini primo navigationum, & itinerum, quae collegit vulgavitque supra commemoratus *Rhamnusus*, inserta fuit (2).

Itaque anonymus hic Nauclerus, postquam, paullò ante dimidium suae relationis, narravit, Stellas quattuor notabilis magnitudinis, & splendoris, crucis figuram referentes (3), a se fuisse visas circa Polum Antarticum, haec addit (4): *E come siamo in l'isola di San Thomè, vedemo derte Stelle molto alte. Si ha veduto qualche anno dapoì, piovuto, la Luna di notte far quella apparenza della Iris, la qual si chiama l' arco, sì come fa il Sole il giorno; ma li colori, che fa la Luna, son come nebbie bianche.* Sed quoniam tales adhibentur heic formulae [aut clare non explicant visum phaenomenon, ob vitium Lusitani relatoris, aut ob vitium Itali interpretis] ut suspicari aliquis, nec temere, valeat, indicari Lunarem Halonem, iis consimilem, quois aliquando coronari Solem nobis adparet; observationem hanc inter alias neutiquam numero, quibus innitor ad confirmandum, caelestem Arcum nocturnum, adversus fulgentem Lunam, non esse inter fabulas recensendum; sed ipsam nihilominus non esse praetermittendam existimavi, ut aliquid etiam ex Africa, si non certum, saltem probabile, pro sententia nostra huc transferretur.

VII. Aliam verò nunc adjungo, iis expositam ver-

G bis,

- (1) Sub Aequatore est haec insula, sicut in sua relatione ille notavit Nauclerus, & sicuti etiam videre poteris in tabula Africam exhibente, quam *Gulielmus de l'Isle* delineavit; ubi ejus distantia a meridiano, per insulam Ferri transeunte, ad Grados circiter 26. pertingit.
- (2) Paginâ secundâ chartae, in cujus prima solum pagina notatur numerus, scilicet 124., secundae editionis Venetae A. 1554.
- (3) Australes hae Stellae quattuor, prope posteriores pedes Centauri, qui una est ex Australibus Constellationibus, fulgent.
- (4) Paginâ secundâ chartae, in cujus pagina anteriori dumtaxat notatur numerus 126. Ceterum eodem modo hanc exscripti ex Rhamnusiano Volumine narratiunculam, quo aliam supra, me excriptis dixi *Americi vispucii*.

bis , ut suspicioni de Halone , locus relinquatur nullus : *Franciscus Bernerius* [apud Gallos *Bernier*] qui praeterrito saeculo XVII. (1), non solum in Gallia , ubi ortum habuit , sed in regno. etiam Mogolensi [quod ad medicinam exercendam commeavit , & unde , post aliquot annos , feliciter ad suos rediit] celebres inter Physicos , & Medicos insignite floruit , postquam Tomo V. Epitomes Gassendianae Philosophiae , quam publici juris fecit (2) , Libro II. , ubi de Meteoris agit , Capite VI. , ubi de Iride ; postquam , inquam , docuit , ab *Aristotele* , aliisque Sapientibus posterioribus , Lunarem Iridem fuisse visam , ita quid ipse in Asiatico itinere , cui se commisisse indicatum supra est , suismet oculis viderit , clarissime narrat : *Pour moy je puis dire avec verité l' avoir vu sur le Gange dans les Indes , deux jours de suite , et la Lune n' estant pas encore entierement pleine . Ce Meteoronna extremement deux anciens Pilotes Portugais , et sous les Mariniers du Navire , qui n' avoient jamais rien vu de tel . Veritablement je doutay qu' ils fussent diversifiez de couleurs , sans elles estoient foibles ; car ils paroissent plutost blancs qu' autrement ; mais je ne doutay nullement que ce ne fussent de verisables Arcs-en-Ciel* (postremae istae formulae sedulo notandae , ex quibus patet , hujusmodi Arcus nequaquam fuisse Halones , seu Coronas) *et non pas des Couronnes ; parce qu' ils estoient directement à l' opposé de la Lune , comme les Solaires. à l' opposé du Soleil* (3) .

VIII. Quam ob rem ex observationibus , quae a Sapientibus habitae fuere , tum in Europa , ut ex illis prae-

(1) In Medicorum Academiam Montis-Pessulani , vulgo *Montpellier* , in inferiori Occitania , Galliae Narbonensis parte , fuit cooptatus ; post iter in Mogolense Imperium , de hujus regionibus Historiam , praeter Gassendianae Philosophiae Compendium , vulgavit ; supremumque obi-

vit diem. Parisiis A. 1688. , ut ex Lexico *Petri Bayle* , aliisque constat.

(2) Lugduni A. 1678.

(3) Post haec , eodem in Capite , quamvis hoc inscribatur *De Arcu Caelesti* , de Halonibus , & Pareliis agit *Bernerius* .

praesertim patet (1), quas Capite II. recensui; tum in America a *Vespuccio*, hoc Paragrapho exhibitis; tum in Asia a *Bernerio*, cujus testimonium proxime allatum est; tum etiam in Africa, si admittatur, sicuti probabiliter admitte potest, ab anonymo illo Lusitano Naclero, cujus relatio Articulo VI. hujusce Paragraphi exponitur, propriam Iridem contra Lunam fuisse conspectam; proindeque ex observationibus habitis in quattuor magnis terrestribus Orbis partibus, & quarum aliquae a magni nominis Philosophis, & Mathematicis ita fuere expositae, ut prudenter de ipsis dubitare non liceat, ostensum rite fuit, ob Lunarium radiorum repercussiones, & refractiones, quibuldam in circumstantiis, Arcum quoque adversus Lunam conformari nocturnum.

§. V.

Declaratio circa densitatem Lunaris Luminis, comparatae ad Solare.

I. **A**D ostendendum Capite III. hujus Appendicis, §. II. sub finem Articuli primi, Lunare lumen, si cum Solari comparetur, esse admodum rarius & infirmius, praeter *Gravesandii* experimenta ibi indicata, id ibidem exposui quod legeram in *Specimine Physico Musfchenbroeckii*, Tomo I. §. 981., atque ex experientissimi *Bouguerii* sententia relatum; nimirum densitatem Lunaris luminis in Pleniluniis se habere ad illam Solaris, sicuti 1. ad 3, 000, 000; siquidem in eo opere, ex Batavico idiomate, quo ipsum auctor conscripsit vulgavitque, in Gallicum verito a Domino *Massuetio* (2), ita professio-

(1) Addi etiam poterunt *Aristotelis*, & *Seneca* moralis observationes, de quibus Capite I., si quis existimet, ab *Aristotele*, qui in regionibus extra Europae fines fuisse habitas, ut probabile est; & si id quod

narrat *Seneca*, aut ex suis observationibus, aut ex aliis, quae in Europa habitae fuerint, putetur illatum.

(2) Gallica haec operis interpretatio typis mandata primum fuit Lugduni Batav., A. 1739., & hac sum usus.

notatum est : neque ad calcem operis inter corrigenda errata corrigendus ille numerus locum habet . Otium , dum id ex eo codice exscriberem , mihi non fuit inquirendi documenta ab eodem *Bouguerio* primùm vulgata , in quibus hac de re differeretur ; praesertim quum nullus ibi indicetur locus , ex quo corollarium illud , a *Bouguerio* illatum ex habitis experimentis , acceptum fuerit ! Sed quum postea de maxima illa Lunaris luminis infirmitate dubitarem , & Regiae Academiae Paris. Scient. Asta revolvere commodè possem , reperi in Historia , ad A. 1726. pertinente , Articulo II. *Observationum circa Physicam generalem* , ex quibusdam experimentis a doctissimo *Bouguerio* , qui inter Socios ejusdem Academiae nunc floret , inferri : *Que la lumiere du Soleil a 300 , 000 fois plus de force , que celle de la Lune* ; sicuti in operis editione , tum Parisiensi , tum Amstelodamensi optime notatum fuit ; quum hic numerus ex iis quae praecedunt , & quae narrare , brevitatis gratiâ , omisit *Muschenbroekius* , rectissime consequatur : quare tres illi *milliones in ter centies mille* vertendi sunt , ne nimis Lunaris luminis vigor imminuatur .

II. Immo , ad majorem Hecataeis radiis vim restituendam , addo heic , ex methodo , qua usus fuit ad id statuendum Dominus *Smith* in sua Optica (1) , consequitur hujusce luminis densitatem , si cum Solari comparetur , esse dumtaxat ut unitas ad nonagies mille . Ceterum Cl. Anonymus , Regiae Academiae Paris. Scient. Socius (2) , & jam supra commemoratus , postquam dixit in sua optica Dissertatione (3) : *Mr. Bouguer conclus , que la lumiere de la Lune est à celle du Soleil , comme*

1 a

(1) Doctissimi hujusce operis , quod Anglice vulgavit Anglus Doctor *Smith* , Gallicam interpretationem a Cl. *Frezner* S. J. , Hydrographiae in urbe Massiliae , celebri Professore , absolutam , & quae sub praefo est ,

omnes expectant .

(2) Nimirum Marchio *De Cœuvres* .

(3) Parre tertia , Capite primo , Art. 14. & pag. 134. editionis Parisiensis A. 1751.

1 à 300, 000. *Mr. Smith* (subijcit) au contraire par sa methode trouue , que la lumiere de la Lune est à celle du Soleil , comme 1 à 90, 000. : & sententiam *Cl. Bouguerii* præferendam esse censet ; quia *Cl. Smith* posuit in sua methodo , tamquam certum , totum a Luna re-percuti lumen , a Sole acceptum , quod a veritate discrepare ob easdem fere rationes ille adfirmat *Anonymus* , quas Capite III. hujus Appendicis , §. II. Art. I. attuli ad Lunaribus luminis ostendendam , dum Solares radii a Luna re-percutiuntur , aliquam imminutionem . Denique in proxime prolatis arithmetice notis , ex Optica Doctōris *Smith* acceptis , de ullo mendo non dubito , quum omnia inter se apte consentiant .

III. Ita pariter , ob mendum , vel amanuensis , vel typographi , quod inrepsit in Theorema V. Capituli II. in Elementis Opticæ *Christiani Wolfii* , non solum in prima ejusdem Cursus Mathematici Latina editione , sed etiam in posterioribus , dixi jam Parte II. Dissertationis , Capite II. Art. III. , dum cursim agerem de radiorum luminis parallelismo , in Wolfiano illo Theoremate statui : Si illuminati plani latitudo eam habeat rationem ad radiantis puncti distantiam , quam habet 1 ad 2 , 000 , 000 , perinde esse ac si radii in planum illud inciderent parallelis . Sed legendum ibi est , quam habet 1 ad 200 , 000 , sicuti doctis Mathematicis , ex Trigonometriæ regulis , supputationem ineuntibus , facillime patebit ; & sicuti tironibus in peculiari quadam Trigonometrica Exercitatione , huic Appendici adjungendâ , & in qua de radiorum differetur parallelismo , dilucide ostendam sub ejusdem initium ; ne quid eorum , quæ ad Irides pertinent , & quæ præcipua sunt , desideretur .

A D D E N D A

PARAGRAPHO II. CAPITIS VI.

in secunda Parte praecedentis Dissertationis.

HAec, quae subtexam, ad finem addi commodè poterunt Articuli III. in Paragrapho II. Capituli VI. secundae Partis Dissertationis praecedentis, sive pagina 114. post versum secundum: quo in loco declaratur, cur, dum Solarem Iridem contemplamur, pro diversa Solis, & Pupillae ab Horizonte altitudine, adparere nobis debeant circularium arcuum portiones diversae.

Hactenus in hoc Articulo III. explanatum fuit (ita addendum ad ampliorem rei declarationem) quid contingere debeat circa variam circularium arcuum adparentiam; considerando dumtaxat radios a Solis centro profusos, deque Iride agendo tantum primaria, sive interiori. Adjungenda nunc sunt, secundum jam explicata §. I. antecedente, Articulo VII., pagina 107., minuta prima 30., propter adparentem Solis diametrum, singulis taeniis Caelestis Arcus, tum primarii, tum secundarii; atque ita in primario minor semidiametros evadet Graduum 40., minorum 2., & major ejusdem semidiametros Gr. 42., m. 17.; in secundario autem Arcu semidiametros minor comprehendet Gr. 50. min. 42., & major Gr. 54., min. 22.; siquidem, ob allatas rationes in Adnotatione 2. ad paginam 108., si illa addatur Solaris disci amplitudo, nimirum Gradus dimidius, imminuenda est distantia inter centrum Iridis, hujusque limbum internum, per minuta 15.; distantia verò inter limbum externum, & praedictum centrum, per minuta 15. est augenda.

Quocirca, ob easdem rationes proxime expositas in hoc

hoc Articulo III. , si altitudo Solis ab Horizontali plano fuerit aequalis Angulo P O E (Fig. II.) , h. e. Gr. 40. , min. 2. , interior limbus E Arcus primarii , infra Horizontem descendet ; limbus autem exterior F ejusdem primarii evanescet , quando Solis altitudo fuerit aequalis Angulo P O F , h. e. Gr. 42. , min. 17. Si autem de secundario Arcu sermo sit , evanescet internus limbus G , dum altitudo Solis erit aequalis Angulo P O G , h. e. Gr. 50. , min. 42. ; neque amplius adparebit limbus externus H , dum altitudo Solis erit aequalis Angulo P O H , h. e. Gr. 54. m. 22. Hinc decerni facillè poterit , an in aliqua terrestri regione , & quibus anni tempestatibus Solaris Iris conspicua esse possit , dum ibi est meridies , considerando videlicet quanta sit eo in loco polaris altitudo , & quantum Sol ab Aequatore declinet .

Emendanda in Dissertatione , ejusque Appendice .

Parte prima Dissert. pag. 5 , versu 3 , post Art. VII. pro *ut penumbra* ; legas , *quod penumbra* . Pagina 18 , versu penultimo ; & ultimo , pro *Rubea Purpura* . . . atque infimo in loco *Violacea* , legas , *Violacea Purpura* . . . atque infimo in loco *Rubea* . Pag. 24. Adnotatione 3 , & pag. 25 , ubi de conchyliis mentio fit , i secundae syllabae mutetur in *y* . Pag. 32. , Adnot. 1 , pro *IVX* , scribendum est *XIV* . Pag. 35 , versu 7 , pro *exercent* , legas , *exerceant* . Pag. 39 , versu 2 , & 13 , pro littera *F* , delineetur utrobique *S* . Addi potest sub initium paginae 26 , apud *Homerum* , *Iliados* lib. 1 , haud valde procul a libri fine , marinos etiam fluctus appellari *porphyreos* . i. e. *caeruleos* ; ita enim ibi legitur :

..... ἀμφὶ δὲ κύμα


Στεφνὶ πορφύρεον , μεγάλ' ἵαχε , &c. i. e.


Circa autem carinam fluctus porphyreus , sive caeruleus , valde resonabat .

Parte II. Dissert. pag. 5 , v. 15 , ubi sunt litterae K o , pro o ponenda littera N , & legendum K N . Pag. 33 , v. 5 , expungatur virgula ante adverbium *invi- cem* . Pag. 51 , v. 2 , deletio puncto ante vocabulum *Trigonometriae* , ita scribendum est , *Rubeis* (1) *Trigonometriae* . Pag. 53 , v. 2 , post litteras C L , claudatur parenthesis . Pag. 56 , Adnot. 2 , post illa vocabula *A geminata* littera R , addatur , O II . Pag. 59 , v. 6 , ubi legitur *aequales* (2) ; ita claudatur parenthesis , *aequales* (2)] ; . Pag. 66 , v. 17 , ante illa vocabula *si de Iride* , pro unico puncto interponantur punctum , & virgula . Pag. 70 , v. 3 , pro *nullam* , legas *ullam* . Pag. 106 , v. 6 , post Art. VI , pro *e O P* , scribatur *E O P* . Pag. 110 , v. 2 , pro *je trouvai* , legas , *je trouvais* . Ibi- dem versu 6 , pro , 30° , 10' , scribendum 3° , 10' .

In Appendice ad finem paginae primae , & initio secundae , formula *sed de nocte* , characteribus non rotundis est exhibenda , quum ad *Aristotelis* contextum spectet . Pag. 33 , v. 15 , pro *hesitatione* , scribendum *hesitatione* .

In Complemento Appendicis , pag. 43 , ante duos ultimos versus , pro *Europeis* , scribendum *Europaeis* . Cursum haec deprehendimus menda : cetera corrigit humanissimus lector .





005661924

